

**Akamanyiso Kakabiri**  
Jeffersonville, Indiana, USA  
Okwakashatu 19, 1963

1 Musiibire muta, banywani. Twena ka twemerere akaanya kakye tushabe.

Tataitwe ow'omu Iguru, twagaruka kweteerana omu ruteerane orutarimu kuzaana, ekiro eki, omu murimo gwa Mukama. Kandi Naiwe okaragaanisa ngu hoona ahu turibuganira hamwe, baangi nka babiri nari bashatu omuriitwe, ngu Oryaba ahagati yaitu. Mbwenu nitubaasa kuhamya ngu Ori hanu, ahakuba tuteeraine omu Iziina Rye.

Hati nitushaba, Taata, ngu-ngu Oije ekiro eki, kandi otubambuurire Akamanyiso ka Kabiri aka. Kandi nk'oku o-omuhimbi yaagambre, akaayenzire kureeba enyima y'orutimbe rw'obwire. Kandi ekyo nikyo kyetengo kyaitu, Mukama, n'oku-n'okuranya seeri kandi tukareeba ekiri omumaisho. Kandi nitushaba ngu Omwana gw'Entaama owaabaire yaitsirwe aije ahagati yaitu hati reero abambuure Akamanyiso, kandi-kandi Akatushuruurire, ebintu ebi twine ekyetengo kureeba.

2 Hariho bamwe abari hanu, Mukama, abatakataahire omu kukwatanisa kukuru oku omuri Kristo. Nitushaba ngu, ekiro eki, bakore egoye newamu, ey'Obutahwaho, bajuzibwe n'Omwoyo wa Ruhanga.

Ku haraabe hariho orwairwe weena, Taata, nitushaba ngu Noija kubatambira. Hariho ebitambaara eby'omu ngaro bingi ebiri hanu ebi ntaireho engaro zangye, turikwijuca ekya-ekya Baiburi, eky'Orikwera Paulo, ahu baihire ebitambaara aha mubiri gwe kandi n'emyenda. Emoyo mibi ekaruga aha bantu, kandi baakira.

Nitureeba Okwija kwa Mukama kuri haihi. Nitumanya ngu obwire nibwirira haihi. Ebintu ebi bigarukire omu Kanisa omurundi ogundi, ahanyima y'emyaka rukumi na magana mwenda.

Hati nitushaba, Taata, ngu Noija kutuha ebintu ebi ebi twashaba. Heereza amaani omuhereza Waawe, kandi oyambe abaheereza Baawe hoona hoona, Mukama, kandi munomuno itwe abateeraniire hanu ekiro eki, kugira ngu tubaase kwakiira Ekigambo. Nitushaba omu Iziina rya Yesu. Amiina.

3 Hataraho kubangaanisa ni kirungi kugaruka omu nju ya Mukama omurundi ogundi ekiro eki. Kandi nimmanya ngu baangi munonga omuriimwe mwemereire, ni-ninshaasha ahaw'ekyo, kwonka tihariho kintu kyona eki turikubaasa kukora. Twi-twne e-ekanisa buzima nk'oku . . . tukagihangusya okuhitsya ahu turikubaasa kutaasyamu abandi nka bashatu nari bana, magana ashatu nari magana ana. Kwonka omu nteerane z'omutaano z'omuringo ogu, ne-neeshutamya omutwe gw'abantu abarikukiraho.

4 . Hati, oo, nyine obwire burungi omu mazima, okushaba, kandi n'okwega Obumanyiso obu-obu. Nyine amatsiko nikwo muri mwena, naimwe. [Abateeraine bat, "Amiina." - Omur.] Ni-nimpamya nikwo muri. Kandi ku kiraabe kiine amakuru ahariimwe nk'oku kigaine ahariinye, buzima . . . mwine obwire burugi munonga.

Kandi ntungire . . . Niinyenda kuteerera esimu omwishiki enkunzi yangye, ahanyima y'okuramya. Kandi eki n'ekiro ky'okuzaarwa kwe. Yaahitsya emyaka ikumi na ibiri y'obukuru eriizooba, Sarah, muhara wangye. Kandi bwanyima, reero, ekiro, ekiro ekiraakurate nyencakare, niinyija kuteera endijo simu, habw'okuba n'ekiro ky'okuzaarwa kwa Becky.

5 Kandi hati, ekiro eki, nitwega Akamanyiso ka Kabiri aka. Kandi omu Bumanyiso buna obw'okubanza hariho abatembi b'embaraasi bana. Kandi nimbagambia, hariho ekyagaruka kukabaho eriizoba. Kandi, ni-ni, ekintu eki ndi . . . Ningyenda nkwata ebihandiiko ebya ira ebi naabaire nyine, ebi naabuuriireho, ebiro ebya ira munonga, reero nshutama oho. Kandi naateekateeka, "Mbwenu, nka-nkakora oku ndikubaasa." Kandi n'abahandiiki baangi n'ebintu, kandi naateekateeka, "Mbwenu, ninza kushomaho kakye, reero ndanzye kandi ndeebe eki na kiri." Kandi eky'okubanza noomanya, hagire ekyabaho, kandi kihindukiire kimwe munonga. Nikiija omu muringo gw'omutaano. Reero mbakure ekaraamu yangye jubajuba, haza ntandikye kuhandiika n'obwira oku ndikubaasa, Akiri aho.

6 Oo, n'ekintu ekibaireho nk'eshaaha emwe n'ekicweka ezhingwire. Mbaire ningambira Ow'eishe-emwe Woods, nitushuuma, edakiika nkye ezaahingura. Ekintu, noomanya. Nimumanya, hariho ebintu bingi ebirkubaho, ebi otakaabaasa kugambaho, noomanya. Kwonka hariho ekintu ekibaireho ekiinyambire munonga.

Nyine omunywani hanu ahantu nanka omu kyombeko eki. N'eky'amazima, mwena muri banywani bangye. Ogu-ogu w'eishe-emwe ni Ow'eishe-emwe Lee Vayle. N'ow'eishe-emwe omukundwa, kandi omwegi w'eniyini w'Ebyahandiikirwe. Dokita Vayle n'owa Baptisiti oine Omwoyo Orikwera. Kandi ni . . . Tindikugamba eki kumuhimbisa, eki ninkigamba ahaw'okuba niinkikiriza. Nintekateeka n'omwe aha beegi abashomire munonga abu ndikumanya, omuriitwe. Kandi ampandikiire akapapura kakye hanu, kandi kareetwa Billy omunda aho. Kandi Billy tabaasize na kakye kukanshomera, nyowe. Kandi nintekateeka . . . Tinkakashomire, kwonka naaba ninza kugamba eki agambire hanu. Mbwenu naakashoma hati hati, Ow'eishe-emwe Vayle, ku oraabe ori hanu. Eki nkakishoma nk'amneezi mukaaga agahingwire.

7 Akagira ati, "Tinyine buhame." "Ow'eishe-emwe Bill, tinyine buhame, kwonka niinyikiriza ngu Polycarp akaba ari omwegi w'Orikwera Yohaana." Ekyo kihikire. Akaba ariwe. "Nintekateeka Iranaeus akaba ari omwegi wa-wa Polycarp." Ekyo kihikire, buzima. "Irenaeus akagira ati, "Yesu aryagaruka-aryagaruka obu omuntu w'aha muheru

owaatoorainwe ow'Omubiri gwa Kristo aritaahamu.“

Ogwo akaba ari Irenaeus, nk'emyaka magana ana aha . . . ahanyima y'okufa kwa Kristo. Akagira ati, “Obusingye obu obw'aha muheru ku buritaahamu . . .” Hati, ekyo ni omu-Enyima y'Orukiiko rwa Niika. Imwe bantu 'mwe hanu, abashoma e-e . . . abeega Ebyahandiikirwe, kandi abeega e . . . nimmanyisa, abeega ebyafaayo bya Baiburi, ekyo nimukishanga enyi- . . . Orukiiko rwa Niika rutakabaireho. Kandi nintekateeka nikyo kitabo ky'okubanza nari ekitabo kya kabiri, ni-nimwija kukibona.

8 Kandi hati, akakireeba, emyaka eyaahingwire, obu yaagizire ati, “Ahari ogwo ow'aha muheru, ow'aha muheru-ow'aha muheru owaatoorainwe, entoore egyo.” Abantu bateekateeka ngu okutooranwa n'ekintu ekitwire-n'ekintu ekyagunzirwe juba aha. Mugyenzi! Egyo n'emwe aha nyegyesa eza ira ezi twine: okutooranwa hamwe n'okwetwa. N'ahabw'ekyo Irenaeus, hatariho okubangaanisa, abeegi b'amazima b'Ebyahandiikirwe, burijo bakaba baikiririza omu kutooranwa. N'ahabw'ekyo Irenaeus akaba ari omwe ahari-ahari baamaraika b'obusingye bw'ekanisa, nk'oku twareebire, nk'oku twayegire. Nitwikiriza. N'eky'amazima, hati, bikaba byona biri enaama. Byona biri hanu, kihikire, bisherekirwe hanu omu Bumanyiso obu, nimureeba. Kandi n'ebi'okushuuuruwa omu biro by'aha muheru. Nk'oku byatandikire na Paulo, na-na Irenaeus, na Martin, n'abandi, okushuumma, kandi byagumizamu okuhika aha busingye bw'aha muheru.

9 Kandi, hati, nitwesiga hati ngu Mukama naija kutuha omugisha omu kwehayu kwaitu ekiro eki. Hati tutwire . . . Akamanyiso k'Okubanza, naakashemerereirwe buzima. Akamanyiso k'Okubanza, egyo migisha eiziire Nako, ahariiny! Kandi hati ti-tindikwenda kubagumya hanu omwanya muraingwa. Kwonka, nimureeba, ni-niinyija kuba ningyenda omurundi ogundi hati, omu biro bikye, kandi ahanyima y'eki kuhwa. Mbwenu nituteekwa kugumisiriza akaanya kakye.

10 Kandi ninsiima . . . Nindieba Ow'eishe-emwe Junior Jackson ayemereire aho. Ni . . . Kandi nintekateeka ndeebire Ow'eishe-emwe Rudell, akaanya kakye akaahingura, ahantu nanka hanu. Kandi n'abo b'eishe-emwe, ago n'amakanisa agu turikukwatanisa nago agaakinga gakaija, kandi n'agandi. Buzima nitukisiima. Kandi nindieba Ow'eishe-emwe Hooper, niinyikiriza, ayemereire aha rubaju rw'ekisiika aho, kuruga Utica, ekanisa y'okwo. Kandi buzima nitusiima okukwatanisa kwanyu kurungi kwona omuri eki.

11 Hati, nyomwabazyo omu mwabazyo, nk'oku burijo tukunda kukora, omu kwegyesa aha-aha Bumanyiso, tubwegyesa omu muringo nigwo gumwe oku okora aha-aha-busingye bw'ekanisa. Kandi ku twamazire kwegyesa obusingye bw'ekanisa, omurundi gw'aha muheru obu naateera ebishushani hanu byabwo aha-aha kituuti, aha rubaaho, nibangahe abarikwijuca ekyabaireho? Akashuumira kimwe, yaagyendera kimwe aha kisiika omu Mushana, reero yaabuteera ekishushani, We wenka, aho aho aha kisiika, omu maisho gaitu twena. Maraika wa Mukama akeemerera hanu hanu omu maisho g'abantu amagana. Kandi hati Na-Naakora ekintu buzima ekirengire eby'obuhangwa hati, nabwo, n'ahabw'ekyo twiniire ekihika ebintu bikuru. Titurikumanya . . . Nimukunda kutegyereza kwonka ebyo-ebyo ebi tweteekateekyeire, tutarikumanya ekirikuza kukurataho, nimumanya, kutegyereza-kutegyereza, kwonka.

12 Hati, reeba oku Ruhanga ari mukuru ahariitwe, kandi ow'okutangaaza! Nitumusima munonga! Hati, omushororongo 1 n'ogwa 2, ninza Kukishoma, kwenda ngu nteho omusingye. Reero nitwija kukwata omushororongo gwa 3 n'ogwa 4, ahabw'Akamanyiso ka Kabiri. Reero kandi omushororongo gwa 5 n'ogwa 6 n'Akamanyiso ka Kashatu. Kandi ogwa 7 n'ogwa 8 nigwo . . . Emishororongo ibiri ahari buri mutembi w'embaraasi.

13 Kandi hati niinyenda ngu mureebe oku aba bantu . . . Ahari egi mbaraasi ya kisa, obundi . . . Ngigi yaija, neeguma neeyehindura oku erikugumizamu kugyenda. Reero ako Kamanyiso kakuru, ak'aha muheru ak'okumbuurwa, Ruhanga ku araakunde, Sande erikwija nyekiro! Ako, ku kaabaireho, hakaba hariho ekintu kimwe, kyonka ekyabaireho, “hakabaho akaceceko omu Iguru k'ekicweka ky'eshaaha.” Ruhanga atuhwere. Hati ninza kushoma omushororongo gwa 3 hati.

Ku yaabambwire akamanyiso ka kabiri, naahurira ekihangirwe ekya kabiri nikigira kiti: Ija (oreebe)!

Haarugayo embarasi endiijo . . . (omushororongo gwa 4) . . . erikutukura; owaabaire agishutamiho (yaahewba obushoboorozi) yaikirizibwa kwiha obusingye omu nsi, . . . ngu abantu baitane; . . . abantu baitane; kandi yaaheebwa rurara mpango.

14 Hati, ekintu ky'enaama hati, ekyo-ekyo Kihangirwe ekiine amagara ku kyagambiire Yohaana kiti, “Ija haza orebee.” Kandi tarareebire eki kyabaire kiri. Akareeba ekirkushushanisa kyonka. Kandi ekirkushushanisa ekyo, enhongaei . . . Akagira ati, “Ija, orebee,” kwonka akareeba ekirkushushanisa, eki yaabaire naaza kushushanisa aha kanisa, omu muringo ogu baabaire nibaza kureeba; okuhitsya obu kyahikire omu busingye bw'aha muheru, reero Akamanyiso kakabona kubambuurwa. Hati, buri omwe naakyetegyereza hati, mwareeba. Obumanyiso bukaba nibuza kubambuurwa.

15 Mbwenu timushemereirwe kuba mutwire omu biro ebi? (Abateeraine baagira bat, “Amiina”-Omur.) Ekyo mwareeba, t'ekyo kyonka, banywani, kwonka burijo mwijukye hati, akasheeshe ka Sande ehweire, ahu ebintu byona bibaire byegamiire, obwanguhi! Mwareeba? Okwanguha, okucureera, nikibaho omu muringo nk'ogwo

kugira ngu abantu bagumizemu kandi batamanya nangwa ngu Nikibaho. Kandi, mwijukye, tutegyereize Okwija kwa Mukama, akaire koono. Kandi ku itwe . . . Nkashohoza ekigambo, nti obundi Okutwarwa nikwija kuba omu muringo ogwo. Kuryahingura, kuhwe, kandi tihariho n'omwe orikumanyaho ekintu kyona. Kuryaija omu muringo ogwo. Mwareeba? Kandi burijo . . .

Garuka enyima omu Baiburi reero oreebe oku kibaho omu muringo ogwo. Nangwa nk'ekintu kikuru nk'okwija kwa Mukama Yesu, tihariho n'omwe owaakumanyireho ekintu kyona. Bakateekateeka bati, "Ogwo mugwa-iraro, omuntu nanka." Amakanisa gakagira gati, "N'orikurengyesereza omu nyikiriza ye. Itwe . . . Buzima n'omugwaiararo. Bati, "N'omushaija omushazi." "Nitumanya ngu ogwire-iraro." Okugwa-iraro nikimanyisa "okutabuka omutwe." "Nitumanya ngu oriho daimoni, mbwenu ekugwisize eiraro. Mbwenu Noogyezaho kutwegyesa? Kandi obwo, waazaariirwe aheeru y'obushwere. Itwe . . . Okazaarirwa omu bushambani. Haza oyeyezeho kwegyesa abantu nkaitwe, abanyamurwa, n'ebindi nk'ebyo, omuri hekalu?" Mpaho, mugyenzi, ekyo kikaba kiri ekijumo aharibo.

16 Yohaana ku yaizire, akaba yaabaire agambirweho, kushuuma kurabira omu busingye obwahingwire, kurugira kimwe ahari Isaaya kuhika ahari Malaki. Egyo n'emyaka rukumi na magana abiri . . . nari emyaka magana mushanju na ikumi na ibiri, akaba yaareebirweho baanabi, arikwija. Buri muntu akaba amutegyereize kwija, bakiiniire ekihika obwire bwona. Kwonka omuringo ogu yaiziremu, akabuurira kandi yaakora omurimo gwe, bwanyima yaaza omu Kitiinisa. Kandi nangwa n'entumwa tizirakimanyire, ahakuba zikamubuuza. Zikagira ziti, "Hati, ku-ku Omwana w'omutu araabe naaza Yerusaalemu, ebintu ebi byona, okuheebwayo," bati, "ahabw'enki kiri ngu Ebyahandiikirwe bigira ngu, 'Eliya naaza kubanza kwija'?"

Yesu akagira ati, "Yaaherize kwija, kandi timurakimanyire. Kandi akakora buzima eki Ebyahandiikirwe byagambire ngu akaba naaza kukora. Kandi bakamukorera ebyo ebyabaire bihandiikirwe." Mwareeba? Kandi tibarabaasize kukyetegyereza. Akagira ati, "Akaba ari Yohaana."

17 Kandi, obwo, "Oo!" Mwareeba, ba-bakasisiimuka, aharikyo. Bo . . . Kandi ku, nangwa, aha muheru, ahanyima y'ebintu byona ebi Ya-Yaabaire akozire, kandi n'obumanyiso obu Yaaboorekire, kandi Akaba nangwa abeetsire. Ati, "N'oha omuriimwe orikubaasa kuunyomesereza ekibi, obutaikiriza? Ku Ndaabe ntakozire buzima eki Ebyahandiikirwe byagambire ngu ofiisi Yangye ekaba neeza kukora ku Ndyaija omu nsi, mbwenu munyorekye ahu Nkozire ekibi? Mwareeba? Mbwenu Niinyija-Niinyija kubooreka eki mushemereire kuba, reero ka tureebe yaaba murikukiikiriza, nari ngaaha." Mwareeba? Akaagarukire ahonaaho reero agira ati, "Mukaba mushemereire Kuunyikiriza obu Naija."

Tibarakikozire, mwareeba, n'ahabw'ekyo bakaba abanyabwengye ekirikumara kutamutega, ahari ekyo. Kwonka akagira ati, "N'oha omuriimwe orikubaasa kuunyomesereza obutaikiriza? Mwareeba? Tinkozire buzima eki kyabaire kiri?"

18 Kandi nangwa n'entumwa, bari omu rugyendo, bakateera entsibo. Nitumanya oku Ebyahandiikirwe birikugyenda. Reero aha kuhendera, aha muheru, bakagira bati, "Hati nitwikiriza. Nitwikiriza ngu tihariho muntu oshemereire Kukugambira, ahakuba Noomanya ebintu byona."

Hati, nkaayenzire kureeba aha maisho Ge. Naateekwa kuba yaabareebire, ati, "Mpaho, hati nimwikiriza? Aha muheru kyabashoboorokyera." Eego, kikaba kitashemereire kuba, obundi, okuhitsya aha bwire obwo, nimureeba. Kandi Ruhanga akora buri kintu kurungi buzima, nimumanya. Ekyo Ni-Ninkimukundira.

19 Kwonka hati nituteekateeka aha busingye bwaitu hati. Ahabw'okuba, ku ndaagumizemu kugamba ahari ekyo, titurikwija kutaaha omu Bumanyiso obu, na kakye. Kandi hati, ijuka, nintunga okushaba kwangi kw'okushabira abarwaire. Kandi nishaba aha bwa . . . obwire bwona, ahabwa buri ky'okushabira eki ndikutunga, kandi n'ahabw'ebitambaara eby'omu ngaro kandi kuri nitubaasa kumara Obumanyiso obu, kuhika aha Kamanyiso k'aha muheru, akasheeshe ka Sande nitu . . . Ku kuraabe okukunda kwa Mukama, tukaayenzire tugireho saavisi y'omutindo ogwa ira omurungi gw'okutambirwa hanu, nimumanya, ahu orikutwara akasheeshe koona orikushabira abarwaire kownka. Kandi ni-nimpamya kurungi munonga nirwija kuba oruteerane rw'okutamba orw'omutaano. Mwareeba? Buzima ninkyehuriram batyo, nimureeba. N'ahabw'ekyo, t'orutarikwetegyerezibwa, kownka nirubaasa kuba orutarikwetegyerezibwa kakye ahari bamwe, mwareeba, eki ndikumanyisa.

20 Hati, embabazi za Ruhanga ka ni nkuru, okutushuuruurira enaama Ze omu biro ebi! Hati, twena nitwija kwikiriza ku tutwire omu biro by'aha muheru. Ekyo nitukiikiriza. Kandi mwijukye, enaama zikaba ziri ez'okutushuururwa omu biro by'aha muheru. Mbwenu Naashuurura Ekigambo Kye ata, enaama Ze? Baiburi ekagamba. Mukaayenzire kushoma ahu Arikukigamba? Ka tushwekuure enyima reero tureebe oku Ashuurura enaama Ze.

Hati niinyenda imwe kushoma Amosi. Mushwekuure omu Kitabo kya Amosi, kandi niinyenda mushome omu shuura ya 3 ya Amosi, n'omushororongo gwa 7. Ni kirungi. Niinyija kushoma omushororongo gwa 6, nagwo.

Enzamba . . . kuteererwa omu rurembo, abantu batatiine? Akabi kagwa aha rurembo, MUKAMA atakareetsire?

Buzimazima Mukama . . . takora kintu kyona, atabandize kukishuuruurira bairu be baanabi.

21 Hati, omu biro by'aha muheru nituza . . . Kiteebereziibwe ahariitwe ngu haryaija na-nabi. Hati, nitumanya ngu tutungire emiringo yoona. Hati, niinyetegyereza, ahanyima y'okurabyamu amaisho ekiro eki, ndi-ndikugambira hanu ahu abeegi bashutami kandi nka-nkaayenzire imwe okuunyetegyereza. Kandi nimwetegyereza, entambi ezi z'amaraka nizibuga ensi, mwareeba, buzima nk'ensi yoona. Kandi tinkaabendiize, n'akeingana busha, kuteekateeka ngu niingyezaho kutaasyamu omuringo gw'e-ekigombe ky'ediini kya burangiti za Eliya nari eminagiro. Kandi byona-byona ebantu ebyo, tubitungire bingi munonga. Kwonka, nimumanya, ebantu ebyo byona n'ebirikubandiza kusha ekintu ekihikire, ekirkwenda kwija, kugira ngu bibuze abantu.

22 Niumanya ku twagizirehoabeebembezi ab'e-ab'ebishuba abaimukireho, ba mesia ab'ebishuba, Yesu atakaizire? Taragizire, taragizire . . . Omwegyesa w'ebiro ebyo, omwegyesa ogwo rugambwa, Gamalieli, obu e-ekibuuzo kyabuuzibwa ekikwatsire aha kuteera abashaija abo n'ebindi nk'ebyo, akagira ati, "Mubarekye. Ku kiraabe kiri ekya Ruhanga, hab'eni, nimwija kushangwa nimurwanisa Ruhanga. Kwonka ku kiraabe kitari ekya Ruhanga . . ." Ati, "Omushaija omwe taraimukireho, obwire bukye obuhingwire, kandi akatwara abantu magana ana omu ihamba, n'ebindi nk'ebyo? Twine ebantu ebyo." Kikaba kiri ki? Byona birikubandiza Ekintu ekihikire ku Kiryaija.

23 Hati, mwareeba, Sitaane niwe orikubaimusaho. Reeba obwengye bw'omuntu ogu ou turikugambaho hanu, Sitaane, ahu turikumushwekuurira, hanu hanu; buzima turikumujweka busha, n'Ebyahandiikirwe kandi n'okubooreka eki ari. Ekyo nikyo eki e . . . ekishemereire kuba nikikorwa. Kandi, noijuka, tagyerizeho kutaahamu reero akaba omukomyunisiti, Sitaane takagyezahoga. We ni antikristo. "Naashushanira kimwe, kugira ngu," Yesu akagira ati, "akaba naaza kuhabisa n'Entoore . . ." Kandi abo nibo Bamwe abasherekirwe omu Bumanyiso obu, abu amaziina gaabo gari omu Kitabo kwiha ensi eteebwaho omusingye.

24 We n'omuntu omunyabwengye. Kandi ku areeba ekintu eki nikija, nikirugayo, reero anaga buri kintu eki arikubaasa aheeru okwo, kukiteganisa kitakahikireyo.

Mukaba nimumanya ku haribaho ba kristo ab'ebishuba abaryaimuka omu biro by'aha muheru? Kishemereire kukurataho ahonaaho ahanyima y'eki, ahanyima y'Obutumwa obu bukuru obu ow'eishe-emwe ogu aribuurira, buzima oryaija, ashukirweho omu mwovo gwa Eliya, ahonaaho. Kandi tibarimwetegyereza. Bamwe omuribo baryateekateeka ngu ni Mesia. Kwonka aryagamba n'amaani ati, "Ngaaha." Ahabw'okuba, nikiteekwa kuba aije nka Yohaana.

Omu bwire bwa Yohaana Omubatizi, obu aruga aheeru okwo akaza kubuurira, bakamugira bati, "Tori Mesia? Tori We?"

Akagira ati, "Tindi We. Tinshemereire kuyuzya orukoba rw'enkaite Ze. Kwonka ni-nimbabatiza n'amaizi, kwonka We aryabatiza n'Omwoyo Orikwera." Kandi Yohaana akaba naahamiza kimwe ku Yaabaire ari omu nsi, akagira ati, "Ari omuriimwe, ahantu nanka, hati." Kwonka Taramumanyire okuhitsya obu yaareebire ako kamanyiso nikamushuumaho. Reero, ku yaareebire ogwo Mushana nigushuuma reero gukajanjaara nk'enkombe, kandi gukamuzaho, akagira ati, "Ngugwo aho. Niwe ogwo." Kwonka Yohaana niwe wenka owaagureebire, nimumanya. Yohaana niwe wenka owaahuriire Eiraka. Abandi boona aho, tihariho n'omwe owaarihuriire.

25 Kwonka kandi ku omuheereza, ohikire w'amazima areebeka; n'okutooreza kwona aharikyo, n'okwenda kuteganisa ebiteekateeko by'abantu. Sitaane ekyo akikora. Kandi abo abatarikubaasa kutaanisa ekihikire kuruga aha kigwire, nibateera entsibo bagwa. Kwonka abo Abatoorainwe tibarikikora; Baiburi ekagira ngu akaba atarikwija kubaasa kuhabisa Entoore.

Kandi hati, Okwija kwa Kristo kutakabaireho, Baiburi ekagira eti, "Haryaimukaho ba kristo ab'ebishuba, kandi bakaba nibaza kweyeta Kristo reero bagire bati, 'Reeba, abantu bagire ngu Ari omu ihamba.' Mutakiikiriza. 'Reeba, Ari omu kishengye.' Mutakiikiriza." "Nk'oku izooba rimurika okuruga oburugwa-izooba okuhika oburengyerwa-izooba, nikwo n'Okwija kw'Omwna w'omuntu kuriba." Mwareeba? Eego, Arya-Arya-Aryaboneka, kandi kiryaba ekintu ky'ensi yoona.

26 Kandi hati ekyo kiryaba, hati, hatariho kubangaanisa, ku barishanga ngu hariho ekibaireho, nimureeba, obwo baryagira . . . Hati, mwijukye, ekyo kiryabaho ahonaaho ahanyima y'Ekanisa kutaaha Omuka ahanyima y'Okutwarwa. Hati haryabaho okutooreza kwingi kw'ebishuba, obwire bwona, kandi titurikwenda kukwatanisa n'ekintu kyona nk'ekyo. Ngaaha, sebo.

Kandi niinyikiriza, omuntu ogwo ku araije, ogu oteebereziibwe kwija, ninkyoreka n'Ebyahandiikirwe byonka, ngu omuntu ogwo aryateekwa kuba nabi. Buzima aryaba we. Kandi okushuuruirwa kwa Ruhanga, ahabw'okuba Ruhanga . . . Ekigambo kya Mukama kiizira baanabi Be. Ekyo buzima kihikire. Ekyo ni. . . Kandi Ruhanga takaahinduka, nimureeba. Ku Yaakubaire aine entwaza erikukiraho oburungi, Akaabaire-Akaabaire agikoreise. Kwonka A-Aine . . . Akatoorana entwaza erikukirayo kimwe oburungi aha kutandika.

27 Nk'oku buzima, Akaabaasize kutoorana eizooba kubuurira Engiri. Akaabaasize kutoorana okwezi. Akaabaasize kutoorana o-omuyaga. Kwonka akatoorana omuntu. Kandi takatooranahoga ebibiina na kakye. Abantu ahabwabo! Mwareeba? Kandi tihakabahoga baanabi bakuru babiri omu nsi omu bwire bumwe.

Mwareeba, buri muntu tarikushusha ondi, aine obuhangwa obuhindukireho. Ruhanga ku yaakubaasa

kukwata omuntu omwe, niwe ogwo wenka ou Arikwetenga, ari omu mukono Gwe, Naabaasa kukora eki Arikwenda kukora. Naateekwa kugira omwe wenka.

Omu biro bya Noa; ebiro bya Eliy; ebiro bya Musa. Baingi bakaimukaho, omu bwire bwa Musa. Noomanya oku baakozire, kandi bakenda kugira bati, "Mpaho, tori orikwera wenka omu kibiina," kandi-kandi Dasani na-na Koora.

Kandi Ruhanga akagira ati, "Yetaanise kwonka. Niinyija kwashamya ensi haza ebamire ebamareho." Nimureeba? Kandi-n'ahabw'ekyo . . . Reero bwanyima abantu batandika kwetomboita. Akagira ati, "Niinyija buzima-Niinyija kubamariraho kimwe."

Kandi aho Musa akatwara omwanya gwa Kristo, obwo, okweta omu mwanya gwa Kristo, reero akagira ati, "Otakikora, Mukama." Mwareeba? Kandi, n'ekya buzima, we . . . Ahanyima y'okuragiira Musa kukora eki, Taraizire ahari Musa, ahabw'okuba akaba naatwaza nka Kristo omu bwire obwo. Akaba ari Kristo omuri Musa. Buzima nikwo.

28 Hati, tushemereirwe munonga ebiro ebi ahabw'okuba Ruhanga Naatweshuuruurira. Kandi niinyikiriza ngu Obwire bukuru buzima nibutandika kutagurukana, kusheesa. Ekyererezi kyatandikire kumurika. Enyonyi za paradiso zaatandikire kweshongora omu mitima y'abarikwera. Nibamanya ngu tihaakiriyo bwire buraingwa hati. Hariho ekirikuza kubaho, buzima nikiteekwa.

N'ahabw'ekyo ku "Araabe atakozire ekintu kyona . . ." Hati, Ebyahandiikirwe byona bikahandikiisibwa Ruhanga. Ebyahandiikirwe nibiteekwa kubeera kimwe Amazima. Tihariho ogundi muringo gwona. Aho niho ndikutaanira na banywani baitu, ekanisa Enkatoriki. Niinyikiriza ngu Tikirahandiikirwe n'omuntu buntu. Niinyikiriza ngu Kikahandiikiisibwa n'Omwoyo Orikwera. Kandi obuntu bukye obu bwona obwongyeirweho, nibagyezaho Kukyongyeraho, mwetegyereize, omu kushoboorora, buri kamwe kakanagwa aheeru. Kandi Ebyahandiikirwe ebi ebihikire, by'amazima nibitaahanamu gye, kimwe na kigyenzi kyakyo, okuhitsya obu hariho-hatariho kuhakanisana omuribyo, na kakye.

29 Nyoreka ekitabo kimwe ekirikubaasa-ekirikubaasa kuhandiika omushororongo, kigumiire kimwe, guitarikwehakanisa, nari kuhandiika-kuhandiika omushororongo, nari ibiri. Kandi Baiburi terikwehakanisa, ahantu hoona. Nshomire abakyemi aba ira nibagamba batyo, kwonka mpigire kumara obwire buraingwa, okuunyoreka ahu kiri. Tikirimu. N'ahabw'okuba ebiteekateeko by'obuntu bibuzabuziibwe. Ruhanga tabuzabuziibwe. Naamanya eki Arikukora. Naamanya.

Mureebe, Ruhanga ku araabe naaza kukoresa ekanisa kucwera ensi orubanja, nk'oku ekanisa Enkatoriki egira ngu nikwo kiri, ni kirungi, mbwenu ni kanisa ki ego? Mureebe buzima amakanisa agu twine. Twine magana mwenda n'ekintu, ebibiina by'amakanisa ebitari bimwe. Hati bata . . . Emwe neeyegyesa omuringo ogu, n'endi omuringo guri. Ka n'okubuzabuzibwa, obwo, buri muntu naakora ekintu eki arikwenda, nimugumizamu mutyo. Ruhanga naateekwa kugira orugyero, kandi ekyo n'Ekigambo Kye.

30 Ndikugamba . . . Tindikurengyeza Abakatoriki, hati, ahabw'okuba Aba-Abapurotestante nabo nikwo bari babi. Kwonka ndikugamba n'omusaserdooti, akagira ati, "Omw. Branham," yaagira ati, "Ruhanga ari omu kanisa Ye."

Naagira nti, "Sebo, Ruhanga ari omu Kigambo Kye. Kandi Niwe Kigambo." Eego, sebo.

Yaagira ati, "Ni kirungi, Ari omu . . . Ekanisa tebaasa kushobya."

Naagira nti, "Ekyo Tarakigambire. Kureka akagira ngu Ekigambo tikikora nshobe."

Yaagira ati, "Mpaho, tukaba twegyesa okubatiza okwo omuringo ogwo, n'ebindi nk'ebyo.

Naagira nti, "Ryari?"

Ati, "Enyima omu biro ebya ira."

Naagira nti, "Noikiriza ngu ego n'ekanisa Enkatorika?"

Yaagira ati, "Eego."

Naagira nti, "Obwo ndi Omukatoriki, Omukatoriki ow'omutindo gwa kare. Niinyikiriza omuhanda ogw'omutindo gwa kare. Imwe bantu 'mwe ebiro ebi Mukijwangire buzima, kandi kigumire munonga kutunga ekintu kyona ekimurikwegyesa ekirikuruga omu Byahandiikirwe. Kutonganirirwa hamwe n'abakazi kandi n'abafu, kandi n'ebintu ebi ebindi byona, kandi, oo, mugyenzi, kutarya enyama, kandi, oo, tindikubimanya byona, mwareeba." Naagira nti, "Ekyo kindondere omu Byahandiikirwe."

Yaagira ati, "Tikirikwetaagisa kubaho. Obwire bwona obu ekanisa eraagambe etyo, nikyo ekyo. Ekyo eki kirikugamba tikikareetaho ntaanisa, ekikuru n'ekanisa.

Naagira nti, "Baiburi ekagira, eti, 'Oribyongyeraho ekigambo kimwe, nari akacwaho Kimwe, omugabo gwe

guryaihwu omu Kitabo ky'Amagara.' N'ahabw'ekyo, n'Ekigambo! Niinyikiriza Ekigambo."

31 Hati, kandi, mbwenu, Amosi ku araagambe, kandi n'Ebyahandiikirwe ebindi ebikwataniise nabyo, ngu kuri . . . Kandi nimwijuka, ahari eki, nitukwata aha bikuru Byakyo. Buzima, mugyenzi, ku . . . Ku ndikuhika omu kishengye ekwo, reero-reero okushukwaho okwo kukataahamu, ku naakubaasa kuhandiika ebi A . . . byona ebirikugyenda omumaisho, nkaagumire hanu kumara ameezi ashatu ahari kamwe aha Bumanyiso obu. N'ahabw'ekyo ninkwata aha bicweka-cweka kwonka reero nkireka, eki kyakureebeka kuba kugira ngu kitakangaranisa abantu. Kwonka, nabwo, kitari eky'amaani munonga okubashaasha, kureka kwenda ngu, ndikwikiriza, kikaaba-kikaamanyiiza ekintu. Nimumanya eki ndikumanyisa.

32 Hati, reeba eki hati, ku "Ruhanga atakora kintu kyona," Amosi nikwo yaagambire, "okuhitsya obu Abanza kukishuuuruira abairu Be baanabi." Kandi, mbwenu, nitureeba ebi arikukora. Nikiteekwa kuba ngu Naayetebeekanisa kugira eki yaakora, eki Arikushuuura hati. Ruhanga naayetebeekanisa okweyoreka, omu kucwa orurbanja, niinyikiriza. Naayetebeekanisa kugira eki Yaakora. Kandi ekindi kintu kimwe, nikihamya buzima, turi omu biro by'aha mperu. Turi aha muheru gw'obusingye, obusingye bw'Ekanisa ya Laodikea hati, ahakuba ebintu ebi bikaba biri eby'okushuuuruwa omu biro by'aha muheru byonka.

33 Hati, buzima teekateeka ahari ekwo hati. Reka buzima-buzima tugyezeho kutaasyamu ebyo ebi turikwikiriza ngu Omwoyo Orikwera naatwenza ngu tumanye. Hati mwijukye, "Tihariho kintu kyona eky'okushuuuruwa; Ruhanga tarikora kintu kyona, na kakye, okuhitsya obu Abanza Yaakishuuuruira abaheereza Be, baanabi." Kandi Atakakozire ekintu kyona, Naakishuuura. Kandi ku Akishuuura, nimubaasa kwijuka eki, hariho ekirikuba kiri omu muhanda nikiija. Mwareeba, kiriyo nikishuuuruwa.

34 Kandi ebintu ebi ebi turikugambaho bikaba biri eby'okushuuuruwa aha kiro ky'aha muheru, kakyeo Enzamba erikuhereruka etakateirwe, aha muheru gw'Obutumwa bw'ekanisa y'obusingye bw'aha muheru. Ekwo kihikire. Ku muraabe nimwenda kushoma ekwo hati, nimubaasa kushwekuura omuri . . . Iwe, naakigambireho buzima, ekiro ekihweire, emirundi eshatu, okushuuuruwa 10:1-7, mwareeba. "Kandi omu biro ebi maraika owa mushanju arigambiram Obutumwa bwe, enaama ya Ruhanga neeza kushuuuruwa kandi ehwe." Kandi hariho ekintu kimwe kyonka ekitsigaire. Ekitabo eki ekikomirwe n'obumanyiso mushanju ku kiraabambuurwe, obwo enaama ya Ruhanga yoona . . . Ahabw'enki, tukicondoorize, kumara emyaka. Kandi kurugiirira omu Byahandiikirwe, obwo, nitu . . . Hakaba hatariho oburyo bwona bw'okukyetegyereza okuhitsya omu biro ebi, ahabw'okuba kitwire kisherekirwe. Tureebire ekirikushushanisa, eki Kyabaire nikikyoreka, kwonka Tikyakubaasize kushuuuruwa gye okuhitsya omu biro by'aha muheru. Mwareeba? Hati, mbwenu, nituteekwa kubayo, omu-omu bwire bw'aha mperu.

35 Hati, mwijukye. Muta . . . Kandi muteebwa hati, ngu, "Takora kintu kyona okuhitsya obu Akishuuura." Kandi muteebwa, nabwo, ku Akikora omu muringo ogwanguhi, okugira ngu, "Abanyabwegye n'abarikwetegyereza bakifeerwe." Hati, ku muraabe nimwenda kukihandiika, egyo ni Matayo 11:25-26.

Kandi, ijuka, "Takora kintu kyona okuhitsya obu Akishuuura." Kandi Akishuuura omu muringo gw'okugira ngu abanyabwengye, n'abeegire bakifeerwe. Mwijukye, bukaba buri obwengye obu ensi yaayetengire omu mwanya gw'Ekigambo, obu ekibi ky'okubanza kyakora eki kyakozire. Ekwo mutakyebwa hati. Oo, ka tushemereire kusiima, okuteekateeka ekwo! Hati mureebe ebintu ebirikubaho! Mureebe ebintu ebi Atugambiire! Mureebe hanu omu tabirinaakuru egi, imwe bantu 'mwe abu tukuzire hamwe hanu.

36 Hati naaza kushaba entambi z'amaraka . . . Mpaho, gyenda omumaisho, kikwate aha rutambi rw'amaraka. Kwonka, mureebe, naaza kugamba eki, aha bantu ba tabirinaakuru imwe abatwire hanu. Niinyehanangiriza weena omuriimwe, omu Iziina rya Mukama Yesu, okwija akooreka enshobi aha kintu kimwe, aha bintu amagana ebiragambirwe bitakabaireho, reero ogire ngu tibirabaireho. Ngambira omurundi gumwe, ngu aha kituuti, aheeru okwo, ahu kirabaire hoona ahu Aragambire ekintu kyona buzima ekitarahikiriire omuringo ogwo. Bata? Ebiteekateeko by'omuntu bikaabaasa kuba bityo? Buzima tibirikubaasa.

37 Obu Yaareebeka eifo okwo aha mugyera, emyaka makumi ashatu n'eshatu ehangwire okwezi kwa Mukaaga oku okurikwija, omu nshusha y'Omushana! Imwe abantu aba ira nimwijuka ngu nkabagambira, kwiha nkiri omwojo muto, eryo Iraka kandi n'ogwo Mushana. Kandi abantu bakateekateeka, ngu nkaba ntabukireho kakye omutwe. N'ekya buzima, naanye shana nkaateekateekire ekintu nikyo kimwe, omuntu ondijo ku yaakukigambire. Kwonka hati timushemereire Kukitangaarira hati. Kandi Ekanisa tekatangaaraga kwiha 1933, eifo aha mugyera ekwo ahu naabaire nimbatiza abantu amagana n'amagana!

Niinyijuka omwojo wa Marra ogwo akangambira, yaagira ati, "Nooshuma eifo kwinika abantu abo, Billy?" Jim Marra omukye ahaifo aha, nintekateeka hati akafa. Nintekateeka akaitwirwa aheeru okwo; omukazi omwe akamurasha. Kwonka aka-akambuuza ati, "Nooshuma okwinika abantu abo?"

Naagira nti, "Ngaaha, sebo. Ninja kubabatiza omu Iziina rya Mukama waitu Yesu."

38 Kandi hakaba hariho omukazi owaabaire naagyenda omu kibiina ekwo. Yaagambira omukazi ondi yaagira ngu . . . yaakigambaho, ekintu ekikikwatsireho. Yaagira ati, "Mpaho, tinkaafayo okuunyinika." Yaagira ati, "Ekwo tikiine nshonga. Tindikufayo."

Naagira nti, "Garukayo oyeteise. Toshemereire kubatizibwa omu Iziina rya Yesu Kristo." Mwareeba?

Eki ti kintu ky'okuzaanisa. N'Engiri ya Kristo, eshuerwirwe n'okuragiirwa, Ekigambo. Nka, hati, ku oraabe noogira oti, "Orwanju kandi obushema," okaakitaire ahantu ahandi. Kwonka, mwijukye, kiragaanisiibwe omu Kigambo ngu eki kiryabaho, kandi buzima n'eki kiriba. Mbwenu nkiki hanu.

39 Reero, eifo okwo ekiro ekkyo, obu baabaire beemereire aha mugyera! Kandi Maraika wa Mukama, ou naabagambire ngu akaba naareebeka nk'e-enyonyoozi nari ekintu ekiri hare, bwanyima Kikairira haihi, kandi naabagambira oku Omushana gwa kijubwe gwabaire nigushusha. Kandi Kikaija aho, aha ifo aho honyini aha mugyera ahu naabaire nimbatiriza. Obu, abashuubuzi ahaifo aha omu rurembo, baagira bati, "Ekyo kimanyiise ki?"

Naagira nti, "Ekyo kyaba kitari kyangye. Ekyo kyaba kiri ekyanyu. Niinyikiriza. Mwareeba? Ekyo kyaba kiri ahabwanyu, eki Ruhanga akikoreire, kugira ngu mumanye ku ndikubagambira Amazima." Ahabw'okuba muto, omwojo, nka, kandi ndi nk'ow'emyaka makumi abiri na gumwe y'obukuru, bo-tibarakikiriize, mwareeba, ahabw'okuba kirengire omwana muto.

40 Reero naaba nintekateeka . . . Ow'eshe-emwe Roberson hanu, omwe aha babiiki baitu, naamureeba hanu edakiika nkye ezaahingura. Abaire nangambira ekiro kiri ekikwatsire aha kuba omuri Houston obu ekishushani kyateerwa kamera okwo, eki murikureeba. Kandi nkaba . . . Aha kuhakana okwo, nkaba naatandika kugira eki naakigambaho, ekiro kiri. Ow'eishe-emwe Roy niwe wenka owaabaire . . . n'onddijo mushaija omwe, niwe yaabaire ari omuntu wenka omu kibiina owaabaire aine ekyoma ekirikukwata amaraka. Kikaba kiri kimwe aha byoma by'ewaaya by'okukwata amaraka by'enkora eya ira. Nindeeba Ow'eshe-emwe Roberson hati, n'omukyara we. N'ahabw'ekyo, kandi-kandi eki, Omuky. Roberson akaba arwaire.

Ow'eishe-emwe Roy akaba ari owaahuumuziibwe aha murimo gw'obuserikare. Kandi amaguru ge gakabarurwa, reero baamubyamya aheeru nk'ofiire. Akaba ari ofiisa omu-omu Mahe. Reero embundu y'enkora ya kinaana na munaana ya Germany yaateera tanka egi ei yaabaire aine, kandi kakye emwite, reero yaamubarura omu bucweka-cweka. Bakamubyamya aheeru, nk'ofiire, kumara obwire burasingwa. Kandi bakagira ngu akaba atarikwija kuribata, ahabw'okuba amaguru gombi gakaba gatemirwe, emitsi, n'ebindi. Mugyenzi, naabaasa haihi kunkiza kuribata.

Kwonka kikaba kiri ki? Hariho ekintu eki yaareebire, reero yaaza Houston. Kandi akaba nangambira ebikwatsire aha mukyara we. Kandi aine e-aine ewaaya; naaza kugita aha rutambi rw'amaraka. Kandi ahanyima ya saaviisi kuhwa hanu, otyo, naaza kubateeraho orutambi rw'amaraka mwena, nyine amatsiko. Kandi aha rutambi rw'amaraka rwa waaya orwa ira oru aho, aineho obutumwa bwangye obu naagizire omuri Houston. Reero omukyara we, akagira ngu, akabwihamo, kandi Roberson tarakyetegyereize okuhitsya ekiro kiri. Ogu mukazi akaba ari, oo, akaba aine obusaasi bwingi omu mutima. Akaba arwaire, kandi akaba naayenda kuza omu runyiriri rw'abarikushabirwa. Bakaba batarikuumanya, kandi nkaba ntakabareebahoga omu magara gangye. Mbwenu omukazi ogu akaba ashutami aha di-dirisa ekiro ekkyo, naaranzya aheeru, haza agwirwe kubi munonga, nimumanya, kandi ashobeirwe, kandi arikwetenga kutunga kaada y'okushabirwa, okuza omu runyiriri. Kandi, kikabaho, ekiro ekkyo yaaza omu runyiriri, nari ekiro ekyakuratsireho, nari ekintu nk'ekyo. Niinyikiriza, ekkyo kiro.

Reero yaaza omu runyiriri. Reero ku yaahikire aha kituuti, Omwoyo Orikwera yaamugambira, ati, "Hati, tori wa kunu. Nooruga omu rurembo orurikwetwa New Albany." Kandi yaagira ati, "Obaire oshutami aha dirisa eriizooba, nooranzya aheeru, haza weena oyeraarikiriire aha ky'okutunga kaada y'okushabirwa." Nkikyo aho, aha rutambi rw'amaraka, emyaka ehangwire.

41 Reero aha kutandika kw'oruteerane, obu Omwoyo Orikwera yaabaire ariyo . . . Ekyo nikyo kyabaire eky'okubanza ky'oruteerane. Tukaba twine nk'abantu enkumi ishatu bonka, bwanyima twahika enkumi munaana, bwanyima twahika nk'emitaro eshatu. N'ahabw'ekkyo omu . . .

Ku naabaire ninkigamba aha . . . Rumwe aha nteerane zonyini ez'okubanza, naagira nti, "Tindikumanya ahabw'enki nigamba eki." Hati, kiri aha rutambi rw'amaraka. "Kwonka, kiri, turi . . . Eki nikiza kuba kimwe aha bikuru by'obwire bwangye. Hariho ekirikuza kubaho omu ruteerane oru, ekirikuza kuba kikuru munonga okukira oku omuntu weena arareebire." Kandi bikaba biri nk'ebiro munaana nari mwenda, ikumi ahanyima y'ekyo, obu Maraika wa Mukama yaareebeka omumaisho g'abantu nk'emitaro eshatu, reero ekishushani kyateerwa kamera. Nkikyo aho, hati hati, eki otarikubaasa kukozesa nari kuteeramu ekindi otaikiriziibwe na Washington, D.C., nk'ekintu kyonka ekirengire eby'obuhangwa ekirateirwe ekishushani kya kamera omu nsi.

42 Bwanyima nkagamba ahari, nimumanya, ndikugamba ngu obumwe n'obumwe, ahansi y'okushuuuurirwa ebitarikumanya, nti, "Omuntu ariho ekicuucu kya rufu. Hariho esanga erikwiragura, y'ekicuucu. Bari haihi kufa."

Kandi bwanyima aharuguru hanu ahari Burugwa-izooba bwa Pines, nari Bukiizi-bwa-buryo bwa Pines, niinyikiriza niyo okwo, obu naabaire ndiyo omu ruteerane oruhererukire. Omukazi mukye ashutami aho, reero Ekintu kyamugambira kiti, "Teera na kamera ekishushani ekkyo, jubajuba," obu naabaire ningambira omukazi ondi. Kandi nkikyo kikaba kiri aho. Nintekateeka nikiza kuba aha rubaaho rw'amakuru; kitwireho, kumara akaire

akarikugasha. Hariho egoy sanga erikwiragura erikuzeereera ahaiguru y'omukazi.

Omukazi ogu Akateera ekindi kishushani na kamera, ahonaaho Omwoyo Orikwera ku yaakirangiriire. Kikaba kitariho. Omwoyo Orikwera ati, "Nooza kukira. Mukama yaakutambira. Ekokoro teriho." Kandi okwo nikwo kyabaire. Kandi akakira. Mwareeba? Nikyo ekyo. Mwareeba? Nikyoreka ngu Ruhanga naamanya ni bwire ki bw'eizooba. Titurikumanya. Twine Okumworobera kwonka.

Hati nitubaasa kugumizamu nitugamba, kwonka ka tuhikye ahansi hanu hati, edakiika budakiika, reero tukwate Akamanyiso k'enyima aka, nikwo tubaase kukwatanisa aka hamwe nako. Hati, okushwijuma omurundi ogundi kwonka, ahabw'akaire ka- . . . obwire bukye, a-akandi, Akamanyiso k'okubanza.

43 Nitwetegyereza, omu kubambuura Akamanyiso k'Okubanza, Sitaane aine o-omuntu omunyadiini, mukuru munonga. Mwetegyereize ogwo oshutami aha mbaraasi erikwera? Eki, bo, kikaba nikiteekateekwa kuba ngu egoy ekaba e . . . Ekanisa y'okubanza neegyenda omumaisho; kwonka, oo, mugyenzi, ekyo kyegyesiibwe emyaka mingi, kwonka kikaba kitarkubaasa kuba. Mureebe obundi obutsigaire obwo, ku turaabugaite hamwe bwona, obwo mureebe ahu buri, mwareeba. Hati, kandi tindikumanya eki obundi obutsigaire burikuza kuba, n'okuhitsya hati. Kwonka nimmanya bushemereire kwija bukataahiramu kimwe, ahabw'okuba nigo Mazima. N'Amazima. Ekyo kikaba kiri okutembekyerana kw'abakuru b'ekanisa ya Rooma, buzimazima.

44 Abantu aba abarikuteekateeka ngu Abayudaaya nibo antikristo, buzima bari hare mirioni zaamairo kuruga aha musitaari. Mutariteekateeka ngu Abayudaaya ni b'antikristo. Amaisho gaabo gakahumisibwa, kigyendereirwe, kugira ngu tubaase kutunga omuhanda gw'okutaahamu, kirikutuha obwire obw'okweteisa. Kwonka antikristo n'Omunyamahanga. Buzima. N'ogwo orikutooreza Amazima; anti, "okuhakanisa."

Hati, omuntu mukuru munonga, oo, oku yaabaire omuntu mukuru, kandi-reero aha muheru akeemekwa. Reero bwanyima, ahanyima y'okwemekwa, yaajwekwa ekirunga. Kandi hati, we, ahanyima y'ekyo, akaramibwa omu mwanya gwa Ruhanga. Hati, mureebe, ekyo kitakaizire. Niinyenda kubabuza ekintu. Ogwo akaba ari oha? N'enki ekyabaire kiri ahari Paulo, omu kitabo ky'Abatesalonika ba kabiri 2:3, ekyagizire ngu omuntu ogwo aryaija? Ahabw'enki omushaija ogwo yaareebire kushuumma kurabira omu busingye reero akakireeba? Akaba ari nabi wa Ruhanga. Buzima.

45 Ahabw'enki kyabaire . . . Akagira ati, "Omwovo naagamba butunu, ngu omu bwire bwa bwanyima ngu baryareka okwikiriza, reero bahurikize okuhabya . . ." Nimumanya okuhabya eki kiri. Omwoyo ogurikubya omu kanisa, abo n'abakuru b'ekanisa abatendekirwe. "Okuhabya, omwoyo gw'abakuru b'ekanisa abatendekirwe, okukora kwa baadaimoni; oburyarya omu kanisa." "Engangaazi, abarikwekuza," obwengye, nimureeba, abanyabwengye, abarikwetegyereza; "bari nkabarikutiina Ruhanga." (fa kugyenda, ogire otu, "Mpaho, turi Abakristaayo; tushemereire kuza aha kanisa.") "Bari nk'abarikutiina Ruhanga, kwonka barikuhanisa okushuuuurirwa, amaani n'okukora kw'Omwoyo; abari nk'abo obeetantare." Mwareeba?

46 Hati mwetegyereze, akagira ati, "Ahakuba aba nibo abo abaraije kugyenda kuruga omu nju kuza omu nju, kandi bakatwara abakazi abataine mutima . . ." Ekyo tikirikumanya abakazi abaine Omwoyo Orikwera. "Abakazi abataine mutima abatwarwa n'okurigira okubi okw'emiringo mingi." Okurigira okubi okw'emiringo mingi! Nibakunda kutaaha omuri buri kantu kakye aku barikubaasa kutaahamu, kandi n'ebibiina byona bya buri muringo; kandi batuure omuringo gwona ogu barikwenda, kandi, nabwo, batu, "Nitusa aha kanisa. Turi barungi nk'ondijo weena." Za dansi, amagyenyi, bashare amashokye gaabo, beesiigye erangi, bajware kyona eki barikwenda; nabwo batu, "Turi-turi Abapentekoote. Turi-turi barungi nk'ondijo weena." Oo! Emrimo yaanyu neebooreka.

47 Yetegyereze. Kwonka akagira ati, "Abantu abu obwengye bwabo butarikusiumwa, aha kikwatsire aha Mazima." Amazima ni ki? Ekigambo, nikyo Kristo. "Ebikwatsire aha Mazima."

"Oo, nimukora . . . Iwe, ori kahaahaana-bakazi. Ori omwangi w'abakazi. Nookora eki, kiri."

Ngaaha, sebo. Ekyo tikihikire. Ekyo n'e-ekishuba. Tindikwanga bakazi. Ngaaha, sebo. N'ab'eishe-emwekaza bagyenzi bangye, ku baraabe bari ab'eishe-emwekaza. Kwonka ekintu nyowe . . . Rukundo ehana. Ku eraabe etarikuhan, ti rukundo. Ku eraabe eriyo, obwo, ku eraabe eri rukundo, ni-ni rukundo y'obuntu kwonka etari rukundo ya Ruhanga, ekyo ninza kukikugambira. Nibabaasa kugira rukundo y'obuntu nkye aha mukazi omwe orikureebeka gye. Kwonka rukundo ya Ruhanga n'ekintu ekihindukireho, egoy ni rukundo egorora ekintu, reero tukabugana Ruhanga ahantu buseeri okwo ahu turikubaasa kutuura Obutahwaho. Mwareeba? Timanyiisize ekyo, obundi, omu muringo ogu kyahurirwamu, kwonka nyowe . . . Nimumanya eki na-na . . . Nyine amatsiko ngu nimwetegyereza. Byona ni birungi.

48 Hati, kwonka, mwijukye, akagira ati, "Nka Yane na Yambere oku baahakaniise Musa, nikwo nabo barihananisa. Kwonka obushema bwabo bukarahuka kureebwa." Ahabw'enki? Musa ku yaatumirwe okukora ekintu ekyareebekire nk'ekitari ky'obutoosha, kwonka, akashuumma okwo ari omwesigwa nk'oku yaabaire naabaasa. Kandi Ruhanga akamugambira kutwara eki, enkon egi, kandi n'okuginaga ahansi, reero ekaba neehindukamu enjoja. Mbwenu, akakikora, okumworeka ekyabaire nikiza kubaho. Kandi omumaisho ga Farao, akeemerera okwo nk'oku Ruhanga yaabaire amutumire, reero yaanaga enkon ye ahansi, kandi yaahinduka

enjoka.

49 Kandi hatariho kubangaanisa, Farao akagira ati, "Omugyereko ogworobi gw'abafumu." "N'ahabw'ekyo yaagyenda reero yaareeta Yane na Yambere be. Yaagira ati, "Nitubaasa kukora ebintu ebyo, naitwe." Reero yaanaga ahansi enkoni, kandi zaaba enjoja. Hati Musa akaabaasize kukora ki? Kikaba kiri ki? Kikaba kiri okworeka ngu, buri kintu ekihikire kya Ruhanga, Sitaane aine ow'okukitooreza. Nibatooreza, kwenda ngu baihe abantu omu muhanda.

Musa akakora ki, ati, "Mbweni, ninteebereza nkozire enhobe. Ni kirungi ngarukyeyo?" Akeemerera ahunami ahakuba akaba akozire eki yaatumirwe, omu bwijwire. Reero, eky'okubanza nimumanya, enjoja ya Musa yaarya endijo eriya. Mwareeba?

Murateekateekire eki enjoja egoyendo yaabaire? Ekaza hi? Musa akatorotoora enkoni egoyendo reero yaagyenda nayo. Akagikoresa eby'amahano. Kandi egoyendo njoka ekaba eri omunda y'enkoni egi eriya. Mwareeba? Ekyo n'eky'okutangaaza. Tikwo kiri? Eego, sebo.

50 Hati, antikristo, naatandika kureebeka butunu, mporampora. Niinyenda ngu mwetegyereze eki. Hati, ku muraahurire . . . Hati, aha Bakatoriki banywani bangye, mushutame muhunami nk'edakiika emwe yonka, kandi hati; reero nituza kureeba ahu Abapurotestante; twena ahu turi, mwareeba. Yetegyereze, ekanisa y'okubanza, ekanisa Enkatoriki obu egira ngu nibo baabandize, ekanisa eyaabandize, bahikiire kimwe. Bakaba baribo. Bakatandikira ahari Pentekoote. Aho niho ekanisa Enkatoriki yaatandikiire. Hati, rimwe haihi nkaba ntarikukiikiriza, okuhitsya obu naashomire ebyafaayo, kandi nkashanga ngu kihikire.

Bakatandikira ahari Pentekoote. Kwonka bakatandika kuteishuka, mbweni nimureeba ahu bari. Kandi Pentekoote ku erateishuke kuruga ahu eri n'obwira obu erikuteishukiramu hati, tibarikwija kugumizamu emyaka enkumi ibiri. Omu myaka igana kuruga hati, nibajia kuba bari hare munonga okukira oku ekanisa Enkatoriki eri. Ekyo kihikire.

51 Kwonka yetegyereze, oku, ogu otembire embaraasi erikwera. Hati ka tukiteereho omusingye, kakyeho, okuhitsya obu turaahikye aha Kamanyiso aka. Hati yetegyereze otembire embaraasi erikwera, ku yaashohoire, na-naaheereza omu matembezo ashatu. Sitaane, nk'oku nkibooirekire ekiro kiri, ari omu bushatu, nka Ruhanga. Kwonka ni Sitaane ogwo omwe obwire bwona, omu matembezo ashatu.

Yetegyereze amatembezo ge. Omu itembezo ry'okubanza, naija omu . . . Omwoyo Orikwera akashuuma, kandi abantu bakaguma nibakwatanisa omu bintu byabo byona. Kandi Omwoyo wa Ruhanga akaba abariho. Kandi entumwa zaaguma nizibega omugaati n'abantu omu maka gaabo. Kandi hakabaho obumanyiso bukuru n'ebi'okutangaaza ebyakozirwe. Kandi-kandi bwanyima, eky'okubanza noomanya, Sitaane yaatandika kwimutsyahlo okwetomboita. Reero, ahanyima y'akaanya bwanya, abahuuku aba hamwe n'abooro b'ensi, abaayakiriire Omwoyo Orikwera, bakaza omu myanya etari emwe, nibaheereza obujurizi. Bakaheereza obujurizi ahari bakama baabo.

52 Reero ahanyima y'akaire, aho hakatandika kwija, oo, nka bakuru b'amahe kandi-kandi n'abantu abatari bamwe. Ab'ebitiinisa bakatandika kureeba obumanzi, n'ebi'amahano kandi n'obumanyiso ebi abashaija aba bakozire, n'ahabw'ekyo baayakiira Obukristaayo. Mpaho, reero, nimureeba, ku yaabumbatiire Obukristaayo, kandi akashuuma eifo okwo omu mwanya ogu baabaire bateeraniiremu, omu kishengye ky'ahansi y'eitaka, kikye kirikwiragura ekya kare, kandi nibateera omu ngaro zaabo, kandi nibateera akaari, kandi nibagamba omu "ndimi," hamwe n'okutunga obutumwa. Ahabw'enki, akaba atarikubaasa kutwara ekyo ahari-ahari orikumuhakanisa, nari kyona eki kiri omu murimo gwe. "Akaba atarikubaasa Kukiikiriza, batyo." Buzima Takaakiikiriize. N'ahabw'ekyo, naateekwa Kukijweka.

53 N'ahabw'ekyo bakatandika kweteerana hamwe, kandi batandika kuteekateeka bat, "Hati nituza kukora ekintu ekihindukireho kakye." Kandi Yesu, ahonaaho, omu busingye bw'ekanisa ey'okubanza, Akabagambira. Omu shuura ya kabiri y'Okushuururwa hanu ati, "Haine eki ndikufa naiwe, ahabw'okuba ebikorwa ebi eby'Abanikolaiti." Nikao, "singura" abakuratsi. Omu bigambo ebindi, nibenda kukora, omu mwanya gwa buri muttu kuba omwe, nibenda kuhindura omuntu omwe orikwera. Bakaba nibenda kukora nk'omuringo gw'e . . . Bakaba nibenda kubushushanisa n'obupagaani, obu baarugiremu, kandi aha muheru bakakikora.

Hati reeba. Eky'okubanza, "Abanikolaiti." Abanikolaiti bakaba nibeetwa, omuri Baiburi, "antikristo," ahabw'okuba kikaba nikihakanisa Enyegyesa ya Kristo eyaabandize hamwe n'entumwa.

54 Tindikwenda kugamba eiziina ry'omushaija ogu. N'omushaija w'amaani. Kwonka nkaba ndi omu ruteerane rwe, hanu emyaka mikye ehwangire. Kandi akaba naamanya ngu ndiyo, ahabw'okuba nkaba naamukwatsire omu ngaro. Kandi yaagira ati, "Oo, noomanya, twine nk'ekyo ebiro eki barikweta Abapentekoote." Kandi yaagira ati, "Bo, beegamiire Ekitabo ky'Ebyakozirwe." Kandi yaagira ati, "Nimureeba, ebyakozirwe Entumwa bikaba biri ebiti by'okutemberaho omu kwombeka Ekanisa."

Mukaateekateekire, omushaija owaashomire Baiburi, omugurusi emanzi, kandi owaabaire ashomire Baiburi nk'oku omuntu ogwo agishomire, reero akagamba atyo? Kikahurirwa, tikiriku . . . Ti-tikirikuuhurirwa nk'Omwoyo Orikwera. Mpaho, tikishemereire kubakwo, hoonahoona. Ahabw'okuba, omuntu weena oine okwetegyereza

kw'obutoosha akaabaire naamanya ngu Ebyakozirwe Entumwa bikaba bitari ebyakozirwe entumwa. Bikaba biri Ebyakozirwe Omwoyo Orikwera omu ntumwa.

55 Timurikumanya oku twakishushaniise omu busingye bw'ekanisa? Ebyo Bihangirwe ebiine amagara bishutami aho, nibirinda Eshanduukye y'endagaano egyo aho. Matayo, Mako, Luka, na Yohaana, beemereire aho, Nibagirinda. Kandi omunda Omwo nikyo ekyabaireho nk'ebirikuruga omu kuhandiika kwa Matayo, Mako, Luka, kandi na Yohaana. Ekyo nikyo omuti gurikutaho, eitaagi ryagwo ery'okubanza, kandi ekyo nikyo ekyabaireho. Kandi omuti ogwo kuri gutaho eitaagi erindi, nimureeba kuhandiika ekindi Kitabo ky'Ebyakozirwe enyima yaagwo. Ahabw'okuba, nimureeba, amagara ago gamwe nigateekwa kuba omu kintu ekyo kimwe.

56 Mbwenu hati, ebiro ebi, twareeba okwo omu makanisa gaitu g'ebigombe by'amadiini, Metsodisiti, Baptisiti, Puresibateeri, Abaluteeri, ekanisa eya Church of Christ (kwetererwa batyo), n'Abapentekoote kandi n'ebindi, ekyo nitukishanga nkahe? Torikukibona. Niinyija kwikiriza ku Abapentekoote baine ekintu ekiri haihi Kukishusha, ekirih, ahabw'okuba bari aharuguru hanu omu Busingye bw'Ekanisa ya Laodikea. Bakaba baine Amazima kwonka Bakaganga. Bakaba kooyakooya Nago, reero Ruhanga yaabatanaka kuruga omu kanwa Ke. Ekyo buzima kiri nk'oku Ebyahandiikirwe biri. Torikubaasa kubehesa Ebyahandiikirwe. Mwareeba? Nibiza kuba eby'amazima, burijo. Otagyezaho ku . . . Ekintu Kyonka, otagyezaho kushoronzya ebiteekateko byawe kuringaanira . . . nari Ebyahandiikirwe kuringaanira n'ebiteekateko byawe. Kureka yeshoronzye hamwe n'Ebyahandiikirwe. Nikimanyisa, obwo noogyenda na Ruhanga. N'obu waakuba oine kwecwaho ebirikwingana bita nari kuta aha rubaju, shoronga n'Ekyo.

57 Mwareeba? Mureebe eki Kyakozire omurundi gw'okubanza obu Kyashuma. Mpaho, Ruhanga ku araabe yaatwaize atyo omurundi gw'okubanza, Naateekwa kutwaza atyo omurundi gwa kabiri. Naateekwa kutwaza atyo buri bwire, kitari kityo Akawaza omuringo ogugwire omurundi gw'okubanza. Mwareeba, itwe nk'abantu abafa, nitubaasa kukora enhobe. Ruhanga tabaasa. Okusharamu kw'okubanza kwa Ruhanga kuhikire. Kandi omuringo ogu Yaatooraine kukoreramu ebintu, tiharikubaasa kubaho ogundi, omuringo omurungi okukiraho. Tarikubaasa kuguboneza okukiraho, ahabw'okuba guhikire, eky'okubanza. Gwaba gutahikire, obwo okumanya Kwe kwine obugarukiro.

Kandi okumanya Kwe ku kuraabe kutaine butandikiro n'obugarukiro, obwo Naamanya byona. Kandi ku Araabe Naamanya byona, obwo n'ow'Obushoboorozi bwona. Amiina! Naateekwa kuba atyo, okuba Ruhanga. Mwareeba? N'ahabw'ekyo to-torikubaasa kugamba, hati oti, "Akeeyongyeira kwega." Tareeyongyeire kwega! Niwe e-Niwe nshuro yonyini y'obwengye bwona. Mwareeba? Obwengye bwaitu hanu bukaruga ahari Sitaane. Tukabuhungura kuruga omuri Edeni, ei twahinganiise okwikiriza ahabw'obwengye. Haawa akakikora.

58 Hati, akabanza kwetwa antikristo. Eidaara rya kabiri, akeetwa nabi w'ebishuba, ahabw'okuba ogwo mwoyo omu bantu gukataaha omu bantu. Nimwijuka, otembire aha mbaraasi erikwera hati akaba ataine kirunga obu yaatandika, kwonka bwanyima akaba naija. . . akaheebwa ekirunga. Ahabw'enki? Akaba ari omwoyo gw'Abanikolaiti, okubanza kwa byona; reero yaataaha omu muntu, reero yaajwekwa ekirunga, kandi yaatunga ekitebe ky'obukama kandi yaajwekwa ekirunga.

Reero ekyo yaakiheererezamu obwire buraingwa nk'oku turaije kureeba oku tu . . . Obumanyiso nibubambuurwa. Kandi bwanyima nitushanga, ahanyima y'obwo bwire buraingwa, Sitaane akabingwa omu Iguru. Kandi yaashuma ahansi, kurugiirira omu Byahandiikirwe, kandi yaayeta aha kitebe ky'obukama. Teekateeka, yaayeta aha kitebe ky'obukama omu muntu ogwo, reero yaaba enyamaishwa. Kandi akaba aine obushoboorozi, obushoboorozi obw'ahaiguru, nk'ebi yaakozire, eby'amahano na buri kintu, eki-eki, nari okwita n'okurwana kw'okusheesha eshagama na buri kintu eki-eki Rooma yaabaasize kureetaho

59 . Ni kirungi. Akaita okurabira omu kifubiro ekirikushaariira, kya Rooma. Buzima, oo, reeba oku twakubaasa kutaaha omu Byahandiikirwe bimwe hanu! Mwijke, Yesu Kristo akafa ahansi y'ekifubiro kya Rooma, ekifubiro ky'okufa. Obutumwa obu nyine omu mutima gwangye, okubuurira aharuguru hanu omu ruteerane oruraakurateho, aha Rwakataano Orurikwera omu ihangwe, nibukwata aha bintu bishatu, bina, mwareeba. "Aho niho bo Baabambire Yesu." "Aho," omwanya ogwabaire nigukirirayo kimwe obunyadiini, nigukirirayo kimwe oburikwera omu nsi gukaba guri Yerusaalemu. "Bo," abantu abarikukirayo kuba abarikwera (bashemereire kuba) omu nsi, Abayudaaya. "Aho niho bo baabambire," ekifubiro ekirikukirayo kushaariira eki Rooma yaabaire neebaasa kuha. "Baabambire Yesu." Enki? Omuntu orikukirayo obukuru oratwireho. "Aho niho bo baabambire Yesu." Oo, mugyenzi!

Ruhanga anyambe nkitaatsye omu kibiina ekyo ky'abashuubuzi, okuhitsya obu baraabaase kureeba ahu beemereire. Byona ni birungi. Hati, kutarikwenda kuba ow'omutaano, kutarikwenda kurahura; kureka okukihamisiriza, okuhitsya obu ab'eishe-emwe abo barikubaasa kureeba ngu ab'ebitiinisa baabo na baafaaaza baabo abarikwera, kandi n'ebintu ebi barikuhandiika omu ihurile erya Business men's journal eri, ku bitarimu nsha. Abakristaayo tibashemereire kweta omuntu weena "faaza." Nibo barikukitandika. Ngyerizeho kubayamba omuri buri kintu eki ndikubaasa. Nimureeba hati ei orutambi rw'amaraka oru rurikuza. N'ahabw'ekyo, mperize. Buzima tindikwija kugira ekindi kintu kyona eki naayongyeraho. Byona ni birungi.

60 Eky'okubanza, mwijukye Kristo. Eky'okubanza, nk'oku Abanik- . . . Abanikolaiti, mbwenu obusingye bw'Abanikolaiti bukashaba ki? Bukashaba kuruga aha kibiina ky'abantu abarikuteera akaari kandi bakateera omu

ngaro zaabo, kandi bakareebeka nk'abarikuhemurana; nk'oku baakozire ahari Pentekoote, kutwaza nk'abasinzi, nibazongazonga omu Mwoyo, n'ebindi. Tibarenzire na kimwe aha kintu ekyo. Bakagira ngu bakaba basinzire.

Kandi ab'ebitiinisa ku . . . Hurikiza! Eki mutakifeerwa. Nikibaasa kuhurirwa nk'eky'obugwa-iraro ahariimwe, kwonka n'Amazima. Obwire obu ab'e-ebitiinisa baatandikire kutaahamu, bakaba batarikubaasa kukiikiriza.

Ekirikutuma Ruhanga yaaba mukuru, n'ahabw'okuba Ari mukuru ekirkugasha okwregarura ahansi. Ekyo nikyo kirikutuma yaaba mukuru. Tihariho ekintu kyona ekikuru kukiraho. Kandi Akeegarura ahansi munonga okukira oku omuntu weena yaakubaasa kwegianura ahansi, omuntu weena oku aregarwire ahansi. Akaba ari Omugabe w'Eiguru, kandi Yaija omu-omu rurembo orurukirayo kuba orw'ahansi omu nsi, Yeriko. Kandi akeegarura ahansi munonga okuhitsya obu n'omushaija orikukirayo obugufu omu tauni yaabaire naateekwa okwinama okumuranzya ahansi, okumureeba. Ekyo kihikire? Zakaayo. Ekyo kihikire. Akeetwa eiziina erirukirayo obubi eri omuntu weena yaakubaasa kwetwa, "omurogi, sitaane, Belezebuli." Ekyo nikyo ensi Yaamuteekateekireho,

61 yaafa orufu orurukirayo obubi. Taratungire ah'okuta omutwe Gwe. Yaabingwa, na buri kibiina ky'ediini. Kwonka Ruhanga ku Yaamutungwire, Akamutunguura ahaiguru munonga okuhitsya obu Arikuteekwa kuranzya ahansi kureeba Eiguru. Nimureeba oku, Ruhanga, omu bucureezi. Mwareeba? Kandi Akamuha Eiziina rikuru munonga okuhitsya obu enganda zoonaa ez'omu Iguru zeetererwa eiziina Rye, kandi na buri ruganda orw'omu-omu nsi. Buri ruganda orw'omu nsi nirwetwa "Yesu." Kandi enganda zoonaa ez'omu Iguru nizeetwa "Yesu." Kandi Eiziina nk'eryo, ngu, boona baryatsimba amaju, kandi endimi zoonaa ziryayatura, ku Niwe Mukama; yaaba hanu nari okuzimu. Okuzimu kuryaritsimbira amaju. Buri kintu kyona ekindi kiryaritsimbira amaju. Mwareeba? Kwonka okubanza bukaba buri obucreezi, bwanyima ryaba rikuru. Mwareeba? Ka Ruhanga atunguure. "Ogwo orikwregarura ahansi, Ruhanga aryamutunguura." Mwareeba?

62 Hati, nitwetegyereza omwoyo ogu gwa niko gukaba nigwenda obwengye, omunyabwegye okukiraho. Gukaba gwine kukihaajaanaho, nk'oku kyabaire omuri Edeni, okuhaajaana aha Kigambo kya Ruhanga ahabw'obwengye, kandi ekanisa yaabeihwabeihwa aha kintu ekyo. Kikaba kiri ki? Hati, ka tugire, twara ekanisa egi hanu, reero otware ekibiina ky'abantu nk'oku turi hanu, kuri mutaijwire Omwoyo omu mazima. Kandi ka tutware, gamba . . . Hati, tinyine eki ndikufa na meeya w'orurembo rwaitu. Tindikuteekateeka ngu niimumanya, Omw. Bottorff. Akiri meeey? Omw. Bottorff. Mwareeba, tinda . . . Omw. Bottorff ni munywani wangye murungi, mwareeba. Kwonka, tugambe, meeya w'orurembo, kandi n'abaporii, na-n'abarukirayo obukuru omu mahe boona, kandi boona bajja-bajja hanu. Eky'okubanza noomanya, ku baraabe baine akantu kakye omu mitwe yaabo, kandi bakatandika kugamba n'abakakiiko k'ekanisa n'abantu abari hanu, reero bakagira bat, "Hati niimumanya ki? Eki kishemereire kuba okundi." Mwaba mutaijwire Omwoyo kandi mwine omushaija oijwire Omwoyo buzima enyima y'ekituuti, ekintu eky'okubanza noomanya, nimuba murikubaheereza. Obundi ti obusingye obu, obundi n'obusingye oburaakurateho.

63 Kandi ogwo nigwo muringo ogu kyatandikiremu. Mwareeba? Ahabw'enki? Bakaba nibagira bat, "Reeba hanu. Ni kirungi." Imwe, mukaabaasize kuhurikiza. Tugambe omuntu aije hanu, orikubaasa kugamba ati, "Ekanisa egi ninkye munonga. Ka twombekye ekanisa mpango. Niinyija kubombekyera emwe haruguru hanu, ni . . . n'eija kumaraho esente ezirikwingana ziti, ekicweka kya mirioni zaadoola. Neija kwombekwa aho. Niinyija kukiranga aha rediyo." Ku baraakore ekyo, obwo nibaba baine ebogyendererwa byabo baaba nibaheereza; emirundi mwenda ahari ikumi, noomanya, omuntu w'omuringo ogwo.

Eky'okubanza noomanya, obwo, ku araakikore naakora ebintu ebyo kumugasira we wenka. "Torikubaasa kugamba ekintu kyona, ahaw'okuba Ow'eishe-emwe John Doe enyima aho, niwe ow'ebi'esente ow'ekanisa egi." Mwareeba? Reero mukwate Ricky omukye kuruga omu seminario emwe, ou okumanya kwe ahari Ruhanga kurikwingana n'okumanya kw'omu Hottentot owa South Afrika amanya ebirukukwata aha muserukare wa Misri, kandi naija kwija aho reero naija kureebeerera omuntu ogwo, ahaw'okuba amugurira emotoka nsya obwire bwona amureka avuga haihi aho, kandi amugurira eki, kiri, kandi n'ekindi. Hati, okwo buzima nikwo kyatandikire. Kihikire.

64 Mwetegyereze, obwengye n'okwetegyereza munonga! Bakagira bat, "Hati reeba hanu, tikyo kyonka eky'oburyo? Hati, a . . . aba-abakazi baitu, nikireetaho ntaanisa ki oku baraakore amashokye gaabo?" Kwonka Baiburi neegira ngu nikireetaho entaanisa. Twara ekintu ekyo kimwe kyonka, otabariiremu amagana n'amagana g'ebindi. Mwareeba? Nikireetaho entaanisa. Ruhanga akagira ngu nikireetaho entaanisa, n'ahabw'ekyo n'entaanisa. Kwonka, nimureeba, ekyo ku baraakitandikye, kandi n'akakiiko k'ababiiki, n'abadiikoni kandi na buri kintu, eky'okubanza noomanya, kimwe omuriisa naataahamu nari naashohora. Nikyo ekyo kyonka. Mwareeba, n'abantu abakiteereire akaruuru.

65 Ni kirungi.

Hati yetegyereze, omwoyo ogwo gukatandika kukora, kandi ekanisa eri ekyo, egyo, ekatunga ab'ekitiinisa baangi omuriyo, ebintu bihango bingi munonga, n'esente nydingi zaatandika, okuhitsya obu ahanyima y'omwanya mukye baguhurikiize kandi babeihwabeihwa, obubi bwa Sitaane. Kandi ekyo nikyo kintu kyonyini eki Haawa yaakozire omu kibanja kya Edeni. Hati, ekyo nimukihurira. Ekyo kihikire.

Reeba, omukazi ow'obuhangwa, omugore wa Adamu, atakamuhikireho nk'omukazi we, akabaihwabeihisibwa entebeekanisa ya Sitaane y'okuremesa Ekigambo kya Ruhanga, ahabw'Okukihaajaanaho. Adamu atakatwire na Haawa nk'omukazi we, Sitaane akamumutangaho. Ekyo kihikire. Muhuriire Omuti gw'Omugore, ogu naabuuriireho. Eitebezo eryo nirikigambaho, mwareeba. Ni kirungi.

Hati mwetegyereze, aho, Haawa akagwa ahabw'okuhaajaana. Hati we, Sitaane, akagyezaho Kukihaajaanaho. Haawa akagira ati, "Kwonka Mukama akagira . . ."

Sitaane akagira ati, "Oo, noomanya, kwonka buzimazima Mukama tarikwija kukikora. Mwareeba? Iwe, nooyenda kuba ow'obwengye. Nooyenda kugira eki waamanya. Ahabw'enki, tori kintu kyona kureka omwana ekiteta. Mwareeba? Oshemereire kugira eki waamanya."

Ogwo ku araabe atari Sitaane! Oo, mugyenzi! Abo ku baraabe batari bamwe omuri aba, ab'omurembe, mwareeba, "Oo, n'ekibiina ky'abarikwera abeekuringa. Otabataho omutima, nimureeba. Otaza . . . Mwareeba?"

66 Hati, ow'obuhangwa, omugore ow'okubanza omu ruganda rw'abantu, iba atakamuhikireho, omugore akagwa kuruga omu mbabazi, ahabw'okuhurikiza ekishuba kya Sitaane, bwanyima ya Ruhanga okumuteeraho orugo rw'Ekigambo Kye. Kuri yaabaire agumire enyima y'Ekigambo, takaabaire naagwa. Hati ekyo n'eky'ebi'omubiri, mwetegyereze, omugore ow'omubiri. Kandi omukyeeno gukaba guri ki, omukyeeno gwonyini ogw'okuruga enyima y'Ekigambo kya Ruhanga?

Hati mwijukye, Haawa akaikiriza nka makumi mwenda na munaana ahari kikumi Gaakyo. Kwonka nkyetaagisa kurekura Ekintu kimwe kyonka. Mwareeba? Akaikiriza bingi Byakyo. Oo, buzima. Akagamba Eki, kandi Sitaane akaba naikiriza ngu Ekyo kikaba kihikire. Ku yaakubaasa kukufundiriza omu nshonda emwe, ekyo nikyo arikwenda kyonka. Mwareeba? Ekintu kyonka eki oine kukora n'okutengyesaho kakye eisasi, omuringo ogu, reero rihuushe ekimaasho. Mwareeba? Nikyo ekyo kyonka. Hati, Haawa akaikiriza bingi Byakyo, kwonka nabwo yaakihusha.

67 Hati, reero ebya-reero ebyarugiremu, ahabw'okuba Haawa akatsigaho Ekigambo, ahabw'akatoonyezi kakye k'okuhaajaana. Mpaho, hati noogira oti, "Kandi shi eby'abakazi?" Nari oti, "Ahabw'enki orikwenda kugamba aha kintu nk'ekyo?" Kwonka kyona aha buntu obwo obukye. "Entaanisa n'eha, yaaba kari ak'okureeberaho k'okubanza?" N'ekintu ahari kyo! Oine . . . Nikiteekwa okutereezibwa. Tukakitwara nk'Ekihikire, omu busingye mushanju bw'ekanisa, haihi. Kwonka eshaaha ehikire obu Ruhanga Arikukigamba. Kandi tarikukigamba kwonka, kureka Naakishoboorora, kandi Akyoreka, kandi Akihamya. Ekyo kihikire. Ku Araabe atakikozire, obwo tari Ruhanga, nikyo ekyo. Ruhanga ashagika Ekigambo Kye.

Yetegyereze hati. Hati, omukazi ow'obuhangwa akareetaho orufu omu mubiri, ahabw'okuba akahurikiza obwengye, okwehindura ow'obwengye, okwehindura ow'obwengye omu mwanya gw'okuguma enyima y'Ekigambo n'okukora eki Ruhanga yaamugambiire kukora. Akaba naayenda obwengye, n'okuba omunyabwengye. Reero yaahurikiza obwengye, reero-reero yaabuza oruganda rwona rw'abantu. Mwareeba?

68 Hati, obwire obu, omukazi ow'omwoyo, Omugore wa Kristo owaatandikire aha Kiro kya Pentekoote, n'Ekanisa y'okubanza y'entumwa, ekabuza ekintu nikyo kimwe omu Rukiiko rwa Niika. Lee, noomanya ngu ekyo kihikire. Kandi aha-aha Rukiiko rwa Niika, obu yaahingaanisa obugabe bw'obuhunguzi bwayo bw'omwoyo, kutwara amakanisa mahango ga Konsitantiini n'ebintu ebi yaagihaire okwo, reero ekaguza obugabe bw'obuhunguzi bwayo bw'Ebyahandiikirwe ahabw'ebigunjano bya Rooma.

Hati, ekyo kigumire aha Mukatoriki. Kwonka Abapurotestante nabo bakozire ekintu nikyo kimwe, kandi nibashushanisa omuri Baiburi hanu, nk'omuhara "wa maraaya, owa maraaya omukuru." Ekyo buzima kihikire, buri omwe omuribo! Tihariho by'okwekwatsa. Kwonka kuruga okwo burijo hatuura haine abarikutsigaraho bakye obwire bwona, abarikukora Omugare. Mwetegyereze, Haawa akabuza obugabe bw'obuhunguzi bwe, mwareeba, iba atakamuhikireho. Mwareeba? Okugaitwa kutakabaireho akabuza emicwe mirungi ye.

69 Kandi hati nimwijuka kuriya akagira ati, "Nshutami nk'omugabekazi. Tinyine ki nkyenire," okwo omu Busingye bwa Laodikea obwo. "Ndi omutungi kandi ntungire bingi, n'ebindi nk'ebyo. Kandi, oo, ensi yoona empa ekitiinisa. Ndi ekanisa nkuru, erikwera, kandi n'ebindi nk'ebyo. Turi omuringo ogu," obusingye bwona.

Kandi akagira ati, "Torikumanya ku ojwaire busha, empumi, ow'okusaasirwa, enshoberwa, omworo, kandi torikukimanya." Egyo niyo mbeera.

Hati, Omwoyo Orikwera ku araabe yaagizire ngu embeera ekaba neeza kuba etyo omu biro by'aha muheru, eri etyo! Tihariho muringo ogw'okukyetooroora. Ogwo nigwo muringo ogu kirimu.

Hati mwetegyereze. Hati, Haawa obu yaaguza obugabe bw'obuhunguzi bwe enyima okwo, obugabe bw'emicwe mirungi ye y'Ekigambo, akakora ki? Haawa ku yaaakikozire, akabuza ebihangirwe; ebihangirwe byona bikagwa ahabwe. Hati mwetegyereze, kandi ekanisa ku yaakikozire, ekaakiira ebigunjano omu mwanya gw'Omwoyo n'Ekigambo, entwaza yoona ekakyeenwa. Buri ntwaza y'ekigombe ky'ediini erabaireho, nari eribaho, ekakyeenwa nakyo, kandi yaagwa, 'habw'okuba tihariho gundi muhanda.

70 Waata ekibiina ky'abantu hamwe, okuteekateeka aha kintu kyona, omwe ataire omutwe oku, kandi omwe ataire omutwe kuri, kandi n'ondi ataire omutwe kunu. Reero nibata ebintu ebyo hamwe kandi babiswijume, kandi, ku kiraarugyemu, ekyo nikyo oraatungye.

Ekyo buzima nikyo baakozire omu Rukiiko rwa Niika. Ekyo buzima nikyo bakora ahab'Ametsodisiti, Puresibateeri, ekanisa ya Church of Christ, kandi n'abandi abaatsigara. Kandi tihariho muntu, ti nshonga eki Ruhanga araamushuururire, nooteekwa kukyegyesa omuringo gw'ekihandiiko kyabo, oku enyikiriza-enyikiriza y'ediini yaabo erikugamba, kitari kityo, nibakubinga. Hati, otangambira. Nkazayo, mwareeba. Kandi ninkimanya. Kandi ekyo buzima nikyo kibaireho, n'ahabw'ekyo ekyo kintu kyona kikyeenirwe.

71 Tiky'okutangaaza maraika akagira ati, "Mururugyemu imwe bantu Bangye 'mwe, mutakwatanisa narwo, mukaheebwa ekifubiro eky'ebirikwija kurubonabonesa." Ahabw'okuba, nira ku . . . Rukyeenirwe, kandi niruteekwa kubonabanesibwa n'omukyeneo ogw'ekiniga kya Ruhanga ogururiho, ahabw'okuba rukaguza emicwe yaarwo n'obugabe. Mwareeba? Kwonka . . . Oo, mugyensi! Kwonka, mwijukye. Okureeba ezo mbeera zonna, baitu kandi nabwo Ruhanga akaragaanisa, omuri Yoeli 2:25, ku muraabe nimwenda kukihandiika, "Omu biro by'aha muheru . . ." Obu Yaagira ati, "Ebi rushanda yaatsigire, kahembwe ekabirya; ebi kahembwe yaatsigire, e-enzigye zikabirya; ebi enzigye yaariire . . ." N'okugumizamu, akakooko aha kakooko, bukaba bwaizire kandi buriire aha Kanisa egoyokuhitsya obu aha muheru Yaabaire etakiri kintu kyona kureka ekitsints.

72 Yetegyereze! Eki Abarooma baatsigire, aba Lutheran bakakirya; eki aba Lutheran baatsigire, Abametsodisiti bakakirya; kandi n'eki Abametsodisiti baatsigire, Abapentekoote bakakirya; mwareeba, okuhitsya obu ekanisa ehindukire ekitsintsi. Kandi Nimumanya? Imwe mukwate obwo bukooko omunda okwo, enzigye na kahembwe, n'obundi nk'obwo, reero mubukuratirire kugumizamu kurabira o-omo kitabo, reero mwetegyereze. N'akakooko kamwe omu matembezo agatarikushushana.

Mugumye enshonga yaanyu. Nikwo n'Obumanyiso obu buri! N'obukooko bumwe. Nimuza kukireeba ku turaabwihey, mbwenu niinyija kubagambira hati. N'akakooko kamwe, obwire bwona. Obwo bukooko buna; buna hanu. Kandi mbubwo aho, bwo n'ekintu kimwe. Ni omwoyo gumwe. Eki kamwe kaatsigire, akandi kakakirya; kandi n'eki aka kaatsigire, akandi kakakirya; batyo, okuhitsya obu bwaguhikize aha kitsintsi. Kwonka Yoeli akagira ati, "Ndyagarura busya, Mukama nikwo arikugira, emyaka yoona ei kahembwe yaariire."

73 Niki? Naaza kukikora ata; ku kiraabe kyatandikire, antikristo, naahakanisa enyegyesa ya Kristo, akaikiriza ekigunjano omu mwanya gw'Ekigambo? Kandi okurabira omu myaka abahunduuzi bakitaahiremu, nk'oku Baiburi yaagambire. "Kwonka omu biro by'aha muheru, aha kugamba . . ." Okushuururwa 10: 1-7, Akagira ati, "Enaama za Ruhanga zikaba niziza kuhwa omu biro by'aha muheru, aha kugamba kwa maraika wa mushanju."

Malaki 4, akagira ngu akaba Naaza kwohereza Elisa ekiro ky'akabi kitakaizire omu nsi, obu Arigyotsya nk'etanuuru. Kandi akaba naaza kugarura busya, kandi n'okugarura a-abaana aha Kwikiriza kw'abazaire. "Okwikiriza kwa pentekoote, okwabandize, okw'entumwa okwaragaanisiibwe kugarurwa busya. Hati, ekyo kishoboorokire nk'oku Ebyahandiikirwe birikubaasa kukigamba. Hati kiragaanisiibwe. Kandi ku turaabe turi omu biro by'aha muheru, hariho ekirikuteekwa kubaho. Mwareeba? Kandi kiriyo nikibaho, kandi turiyo nitukireeba.

74 Mwetegyereze tiriniiti ya Sitaane. Omuntu ogwo omwe arikwija; ari omu muntu, kuruga omuri omwe kuza omu muntu ondiijo. Ogwo nigwo muringo ogu obwo bukooko bwakoziremu, obwo bukooko, kamwe kuza omu kandi, buzima. Obunikolaiti, "antikristo ow'omwoyo." Paapa, "nabi w'ebishuba." "Enyamaishwa," Sitaane we wenyini, ari omu muntu. Tarikubaasa kukikora . . . Hati, ekyo mukigumye omu biteekateeko byanyu hati, mwakuratira eki. Nimuza kureeba abatembire aha mbaraasi aba baahikira kimwe ahari ekyo. Mwareeba, nimbateeraho ekishushani hanu. Kuri nkiine aha rubaaho, mukaabaasize kukyetegyereza gye okukiraho. Mwareeba, ninyegyendesereza.

75 Eky'okubanza, hati. Mwijukye eki. Eky'okubanza eki ari, ni "omwoyo gwa antikristo." Yohaana nikwo yaagambire. "Imwe baana bato, omwoyo gwa antikristo hati ogurukukorera omu baana abagomi." Mwareeba, ekintu ekyo kikaba kyatandikire kutandika. Reero kandi kyaba "nk'orufumu," omu busingye bw'ekanisa obwakuratsireho. Kandi obusingye bw'ekanisa obwakuratsireho, kikaba "enyegyesa." Reero obusingye obw'ekanisa obwakuratsireho, akaheebwa "ekirunga." Hati ekyo tikirikureebeka butunu nk'okushoma ahantu hoona ahu orikubaasa kukishoma? Mwareeba? Mwareeba,

Ngugwo aho naija. Hati, eky'okubanza, akaba naayetwa (ki?) "omwoyo gwa antikristo," ahabw'okuba akaba naahakanisa Ekigambo. Ekyo nikyo kyakitandikire. Ekyo buzima nikyo kyakozire ekyo kyona, kikaba kiri okuruga aha Kigambo kya Ruhanga. Ti ahabw'okuba ngu Haawa naabaasa kuba yaateire Kaini oruhi ekiro kimwe. Mwareeba? Ekyo tikyo kyakikozire. Ekintu ky'okubanza ekyakozire ekyo kyona, kikaba kiri ngu akaruga aha Kigambo. Akaruga aha Kigambo. Kandi ekintu ky'okubanza, haatandikaho obushambani omu kanisa ya Ruhanga ohuriire, Omugore wa Kristo, akaruga aha Kigambo reero yaayakiira ekigunjano kya Rooma omu mwanya ogw'Ekigambo kya Ruhanga. N'enki ekyabaire ahari buri kibiina ky'ediini? Kikakora ekintu ekyo kimwe kyonyini. Hati, kwonka akaragaanisa ngu omu biro by'aha muheru Aryataho omuhanda

76 ogw'okugaruka akagarura busya. Ekigambo kya Mukama kikaba nikiza kwija omu nsi, nk'oku Yaakikozire omu kutandika, kandi, oo, kandi aryagarura busya (ki?) ekyakitandikire. "Okuhakanisa Ekigambo." Mbwenu shi

omuntu ogu ashemereire kukora ki ku araije, ashukirweho Omwoyo wa Ruhanga? We “naareeta Okwikiriza kw'abaana akugarura aha kwa b'eishebo.” Okwo nikwo arikugarura busya.

Kandi nimutunga Ekigambo eki nikyo kimwe, omu mwanya ogurikushushana n'ogu Kirimu Hanu, Nikiza kukora ekintu nikyo kimwe. Yesu akagira ati, “Omuntu weena ku araabe ari Owangye! Kandi n'ogwo Orikuunyikiriza, emirimo Ei nkora nawe aryagikora.” Kandi ku Baamushabire kugira ebantu bimwe ebi Yaakora, Akagira ati, “Nkora ebi Tata Anyoreka. Tinkaakora ekintu kyona okuhitsya obu, ndaabanzé kukireeba. Ebi Ndeeba Taata naakora, Naanye ebyo nibyo nkora. Taata naakora, reero Naanye ninkora n'okuhitsya hati.” Mwareeba? Timurikukireeba? Ahabw'enki, kiri nk'okushoma eihurire. Mwareeba?

77 Hati, hati, eky'okubanza, obwo, akaba “antikristo.” Hati, takaabaasize kuba antikristo omu mwoyo honka. Bwanyima, akaba antikristo, reero omwoyo ogwo gwakwata omuntu owaayegyeise ekintu nikyo kimwe eki omwoyo gwa antikristo gwabaire nigukora, reero bwanyima yaaba “nabi w'ebishuba,” aha mwoyo gwa antikristo. Hati shi biri bita aha muntu ori omu kibiina ky'ediini? Mukyerondere. Tindikumanya eki murikukiteekateekaho. Ni kirungi.

Hati, aha muheru, naaba “enyamaishwa.” Hati rindaho, kandi ekyo nitwija kukihikaho ahanyima y'omwanya mukye, mwareeba. Ni kirungi. Hati, tiriniiti ya Sitaane ku erikuba etyo; Sitaane, obwire bwona. Sitaane, “omwoyo gwa antikristo.” Omwoyo gwa antikristo, gutahire omu muntu, “nabi w'ebishuba.” Reero, abe “enyamaishwa.” Mwareeba? Obwire obu . . . Ti daimoni, eyaabaire eri omuri antikristo ogwo; kwonka Sitaane we wenka ku arikubingwa, naashuumaa reero aza omu mwanya ogu daimoni abaire arimu. Sitaane, obwo, bwanyima Sitaane atahe omu omuntu. Nikyegarukamu kyo kyonka.

78 Ekyo nikyo Yuda Iskariota yaabaire ari. Mbwenu akakora ki? Akaba ari omwe omu bantu abaabaire nibahakanisa Kristo? Ahabw'enki, akaba ari omubiiki, akagyenda Nawe. Buzima. Akagyenda nabo. Akaza okwo aheeru yaabinga emizimu, kandi buzima yaakora ebi baakozire.

Kandi Kristo akaba ari Ruhanga ori omu muntu; Ruhanga, ori omu mubiri, Emanueli. Kandi Yuda akaba ari omwana w'okuhwerekyerera. Reero Yesu akaba ari Omwana wa Ruhanga. Ruhanga ari omu muntu; Sitaane ari omu muntu. Abantu bamwe bareeba emisharaba eshatu yonka obwire obwo. Ekaba eri ena. Hakaba hariho eshatu ahari Gologosa, ei turikureeba. Ogwo akaba ari Yesu ahagati, omwambuzi aha mukono Gwe ogwa bumosho, kandi n'omwambuzi aha mukono Gwe ogwa buryo.

Kandi mureebe. Omwambuzi omwe akagambira ondi, nari akagambira Yesu ati, “Ku oraabe . . .” Hati, nimumanya ngu We ni Kigambo. Kwonka, “Ku oraabe Ori Kigambo, toyejuna? Tokaagira eki waakukikoraho?”

Ekyo nikyo kintu kimwe n'eriizooba.

79 Timukahuriireho egi mizimu eya ira erikwija, ekagira eti, “Ku oraabe orikwikiririza omu kutambirwa Ruhanga, hanu hariho amaisho g'omuntu nanka, tobahumuura?” “Nyita amaisho! Nyita amaisho!” Nigwo ogwo muzimu gumwe ogwa ira. Mwareeba? “Hanuka oruge aha musharaba, nitwija kukwikiriza.” “Ku oraabe ori Omwana wa Ruhanga, hindura amabaare aga eby'okurya.” Niyo Sitaane emwe. Iwe orugyeho ogyende, mwareeba. Ngaaha. Ogwo nigwo muringo ogu Yesu yaakikoziremu. Tarakozire ekintu ky'okushetsya aha muntu weena omuribo.

Baata ekitambaara aha mukono Gwe . . . aha maisho Ge ag'omuhendo, nka batyo. Reero bakwata enkoni, reero baamuteera aha mutwe. Baagira bati, “Tugambire! Ku oraabe ori nabi, hati tugambire Owaakuteera.” Baahingisa enkoni, omwe na mugyenzi we. “Hati tugambire n'oha Owaakuteera, reero nitwija kukwikiza ku Ori nabi.” Taraashamwire akanwa Ke. Akashuumaa aho kwonka. Mwareeba? Tazaana. Akora nk'oku Ishe agamba kwonka, nimureeba. Mwareeba? Naabareka bagumizamu. Obwire bwabo nibwija. Muteerarikirira. Eego, sebo.

80 Hati, bakawata aha kijwaro Kye, tibaahurira amaani. Kwonka omukazi mukye enshoberwa, akaba aine ekyetengo, akawata bukwata aha kijwaro Kye. Yesu Akahinduka reero yaagira ati, “Noha owankwataho?” Ahaa. Ekyo niki? Okukwataho okw'omutaano. Nikirugiirira oku Oraamukwateho, nimureeba, mwareeba, eki orikwikiriza. Hati, nimureeba?

Hati, nk'oku Sitaane arikuza ku. . . ataahire omu muntu, okuruga omu bwa antikristo kuza omuri nabi w'ebishuba hati. Kandi omu biro by'Omuyudaaya, ni “antikristo,” omu kanisa eyaabandize. Omu busingye bw'omwirima, akaba “nabi w'ebishuba,” omu nsi. Nimumureeba aho aine “ekikopo kye ky'obugomi?” Hati, ekyo kiri aha busingye bw'ekanisa

81 hati. Kwonka omu busingye ahanyima y'Ekanisa kuza omu Ka, naaba enyamaishwa, naaba Sitaane ataahire omu muntu, ekyo kijoka ekirkutukura kyonyini. Oo, mugyenzi! Timurikubaasa kureeba eki ndikumanyisa? Ataahire omu bantu be obwo. Abantu be bakomirwe n'amaani ge. Nabi w'ebishuba abaragwireho okukibataatsyamu. “Okubahayo aha birikuhabisa by'amaani, okwikiriza ekishuba reero kibahwerekyereze.” “Okwehakana Ekigambo; baine enshusha y'okutiina Ruhanga.”

Ruhanga akora, omwanya Gwe, omuri tiriniiti. Okwiwaho orubanja; okwezibwa; kandi n'okutaaha We wenyini omu bantu Be, omu kubatizibwa kw'Omwoyo Orikwera. Ekintu nikyo kimwe, Sitaane ari omu

kweshushaniriza nka Kristo. Oo, Sitaane naataaha omu muntu we wenyini . . .

82 Hati reeba. Sitaane . . . Yesu We wenyini ku arikutaaha omu bantu Be, Amagara ago gonyini agaabaire gari omuri Kristo gari omu muntu ogwo. Kikaakora ki ku waakwiha amagara g'omuzaabibu reero okagata omu ryozi? Tirikaagaruka kwana amoozi bundi; rikaayana emizaabibu. Mbwenu shi ku waakwiha amagara g'omuti gwa peach reero okagata omu muti gwa pear? Gukaayana ebijuma bya pears? Ngaaha. Nigwana ebijuma bya peaches. Amagara nigooreka eki guri. Mwareeba?

Waagira oti, waahurira abantu nibagira ngu baine Omwoyo Orikwera, haza bakahakanisa Ekigambo eki, hariho ekirikuba kishobire. Omwoyo Orikwera akahandiika Ekigambo ekyo. Kandi Yesu akagamba eki, "Omuntu yaaba aine Omwayo Wangye omuriwe, naija kukora emirimo Yangye." Nimwenda kushoma ekyo? Nimwenda kukihandiika? Ni Orikwera Yohaana 14:12. Yee. Ni kirungi. "Orikuunyikiriza, emirimo Ei nkora nawe aryagikora. Kandi aryakora erikukira egi obwingi, ahakuba Nyowe ningyenda ahari Tata." Mwareeba?

Bwanyima Amweza kandi amushemeza; kugira ngu abaase kwemerera omu maisho ga Ruhanga. Eitondo eryo rya bwino nirigwayo, reero rimutwara seeri y'orusa. Mwareeba?

83 Hati mureebe. Sitaane, ku arataahe omu bantu abu arikutegyeka, nibakora omurimo ogu yaakozire. Timurikureeba? Akakora ki? Akaizira kimwe aha mukazi ogwo otaine kibi, okumubeihabeiba. Kandi ekyo buzima nikyo baadaimoni aba bamwe bakora, nibaizira kimwe bahika omu mwanya nanka reero baagira . . . Omuriisa mukye naatandika, okwo ahantu; aijamu reero agira ati, "Oo, kuri nooyegaita naitwe!" Huh! Huh! Daimoni niyo emwe erikukora. Hati, ago nigo Mazima!

Kandi Sitaane ku yaataahire omu kanisa ye, okuba daimoni, n'ahabw'ekyo nibo abo abakora ogw'obutemu n'okwita, n'ebindi nk'ebyo. Ahabw'okuba, eky'okubanza, Sitaane n'omwitsi; omubeihi kandi o . . . Mwareeba? Ni kirungi.

Sitaane akora ki ku akora, ku ataaha omu bantu? N'omurimo gwe kuba omunyabwengye. We n'omunyabwengye. Imwe musherure omuri Baiburi, reero munyorekye ahu Ruhanga arakoragaine n'abantu ab'obwengye bw'obuntu. Mukisherure, reero mureebe ku baraabe burijo batari ab'obwengye bw'obuntu abakozesibwa emizimu. N'ekigambo kirikuremeera, kwonka n'amazima. Nimbahiga okukwata o-obukomooko, okuruga ahari Abeeli okuhika ahari Kaini; kandi, n'obusingye obwo ikumi na buna, mubukurate, reero mureebe abaabaire bari aha rubaju rw'abanyabwengye, kandi n'abaabaire bari abacureezi. Ahaa.

84 Ahabw'enki Yesu ataratooraine abantu nk'abo? Akatwara abashohi kandi n'abashaija abaabaire batarikubaasa n'okuhandiika eiziina ryabo, okubahindura abeebembezi b'Ekanisa Ye. Ekyo kihikire. Obwengye ni-ni busha; bu-buhakanisa Kristo. Obwengye bw'ensi buhakanisa Kristo, burijo. Yesu taratugambiire ngu tugyende twombekye zaaseminaro; Tarakikozire; okugira amashomero ga Baiburi. Akagira ati, "Mubuuirire Ekigambo! Mubuuirire Engiri!" Reero ku araabe Yaagizire ati, "Obumanyiso oburiguma nibureebwa omu barikwikiriza n'obu," mwareeba, nimwija kugira e . . . Omu bindi bigambo, Akagira ati, "Mugyende mworekye Amaani ga Ruhanga, omu mahanga goona."

Hati mureebe. Omurimo gwa Sitaane n'okukiikamyia Ekigambo kya Ruhanga, n'obwengye bw'okuhaajaana. Oo, mugyeni! Oo! Bwanyima ata akamanyiso aha bantu be, ahabw'okwanga Ekigambo ekyabandize. Hati reka ekyo . . . Nimwija-nimwija-nimwija kuungumisiriza okweyongyerayo kakye, reero mukatunga eki? Eki, tindikwenda ngu muferwe eki. Ka mboorekye ekirikushushanisa, nikwo mubaase kukireeba kyona omu kirikushushanisa n'omu Kigambo, kandi na buri kintu. Timu-timurikubaasa . . . Timushemereire kuruga hanu muburabuziibwe.

85 Omu Ndagaano eya Ira, omuntu ku yaabaire atundwa omu buhuuku. Hakaba habaho omwaka ogw'okurekurwa, buri myaka makumi ataano. Omwaka ogwa makumi ana na mwenda, reero bwanyima omwaka ogw'okurekurwa. Reero omuhuuku ku yaabaire ahurira eki, kandi arikwenda ngu arekurwe, tihariho-tihariho kintu kyona ekirikubaasa kumuzibira kurekurwa. Naabaasa kunaga efuka ye ahansi, reero agire ati, "kyahwa," agarukye omu ka. Enzamba ekaba eteerwa. Ekyo kihikire.

Kwonka ku araabe atarikwenda kugyenda, kandi agwisiibwe gye na mukama we, obwo naatwarwa omu-omu-omu hekalu, reero bakwate empindu . . . Niumanya eki empindu eri. Reero bafumura okutu kwe, kandi bata akaina omu kutu kwe. Kandi n'akabonero, ngu tarikubaasa kugarukayo. Ekyo kihikire? Naateekwa kuheereza mukama we ogu obwire bwona. Tindikufayo ni mirundi engahi endiijo ei enzamba y'okurekurwa eraateerwe, ekiraabeho kyona. Buzima agurize obugabe bw'obuhunguzi bwe, obw'okurekurwa.

86 Kandi omuntu ku ayanga Amazima g'Engiri, Sitaane amutaho akamanyiso (nkahi?) aha kutu kwe. Amwita amatu n'ahabw'ekyo tarikubaasa kuhurira Amazima bundi, kandi naaba ahweire. Naaguma n'ekibiina eki ari nakyo, ku araabe atarikwija kuhurira Amazima. Ngaaha. "Muryamanya Amazima, n'Amazima garyabahindura ab'obusingye." Mwareeba, Amazima nigakuhindura ow'obusingye.

Aba Ruhanga ku baija abataho akamanyiso. Aba Ruhanga abataho akamanyiso ahabw'okuhamya Ekigambo ky'okuragaanisa Kwe okubarabamu. Ekyo buzima, ni Orikwera Yohaana 14:12. Kandi ekintu ekindi, nimwenda kuhandiika, Mako 16. Yesu akagira ati, "Obumanyiso oburiguma nibureebwa omu barikwikiriza n'obu."

87 Hati ka tutware ekkyo, edakiika emwe. Akaba naazaana? [Abateeraine bati, "Ngaaha." -Omur.] Akaba naamanyisa e . . . Akaba naamanyisa entumwa zonka, nk'oku bamwe baakwenzire kutugambira? ["Ngaaha."] etegyereze. Shoma oburugo bwakyo. "Mugyende omu . . ." Nkahi? (Abateeraine baagira bati, "Ensi yoona." -Omur.) "Ensi yoona." "Mbuurire Engiri egi ahari . . ." Ki? ("Buri kihangirwe.") "Buri kihangirwe." Tekahikire nangwa na kimwe kya kashatu ky'orugyendo. "Obumanyiso oburiguma nibureebwa omu nsi yoona, aha bihangirwe byona, ahu Engiri egi eribuurirwa hoonaa n'obu. Obumanyiso oburiguma nibureebwa omu barikwikiriza n'obu," ti aha kibiina kimwe kikye kyonka.

Nk'omuntu obwire bumwe arikungambira ati, "Ruhanga akaha entumwa ikumi na ibiri zonka ebiconco by'okutamba endwara. Kandi . . ." Oo! N'ahabw'ekkyo, baangi aha b'eishe-emwe bakaba bashutami hanu obu yaimuka kugamba ekkyo, mwareeba. Akakitunga okurikugasha, omu dakiika nkye. Mbwenu hati yetegyereze, "Ensi yoona, ahari buri kihangirwe, obumanyiso obu buryaguma nibureebwa."

88 Mutatwara akamanyiso ka Sitaane ak'obutaikiriza. Hati, naija kukakutaho ekiro eki, ku yaakubaasa kukikora. Naija kukushoka aha kisiika, reero noija kushohora kandi ogire oti, "Ekkyo tindikukimanya." Muze omu ka reero Mukyegeho, reero bwanyima mube ab'amazima, kandi mushabe. Ahabw'okuba, buri kintu n'eky'Ebyahandiikirwe buzima-buzima omu shaaha egi yonyini, eshaaha egi erikwera omu bwire. Kimazire emyaka mingi, kihamiibwe, twaija twakihikaho. Kandi egi niyo shaaha. Obu nibwo bwire.

Kandi hati mutamureka ekkyo akakishoka omu matu gaanyu, akamanyiso ke k'obutaikiriza. Mwareeba? "Habw'okuba, akaba ari omutaikiriza, okubanza kwa byona. Akakibangaanisaho. Byona biri gye. Oo, nangwa mutareka . . . Mutamureka kukwata Ekyahandiikirwe, n'obwengye bwe, reero-reero akakigondeka n'okukikiikamya n'obwengye bwe, omu maani g'okuhaajaana. Imwe mwecureeze kwonka, reero mugire muti, "Ruhanga nikwo yaagambire, kandi nikyo ekkyo kyonka aharikyo." Hati, oo, ka tu . . . Twaza kukyerererwa, n'ahabw'ekkyo kikaabaire kirungi kurekyera aha reero-reero tukatandika.

89 Hati ka tuze aha Kamanyiso ka Kabiri. Omwana gw'Entaama owaitsirwe akazooka, ku Yaabambwire aka, reero Ekihangirwe ekiri nk'enyan, ekya kabiri, kyagira kiti, "Ija, oreebe eki enaama y'Kamanyiso eri." Mwareeba? Hati twakitunga. Omwana gw'Entaama, mwijukye, naateekwa kubambuu buri Kamanyiso. Reero Ekihangirwe kya kabiri . . . Ku muraabe mukyetegyereize, omu muringo ogw'ahu turabiire, n'obusingye bw'ekanisa, ekintu nikyo kimwe. Eya kabiri . . . Ey'okubanza ekaba eri entare; eyaakuratsireho ekaba eri e-ekaba eri e . . . ekaba neeshusha enyana, nari enim, nari ekintu nanka, nimureeba. Kandi Ekihangirwe eki kikagira kiti, "Ija, oreebe," hati, kandi obu Omwana gw'Entaama yaabambuu Akamanyiso. Kandi, bwanyima, yaaza kureeba.

Kandi ku yaataahiremu, hakabaho ki? Ka tureebe eki yaaboine hati. "Ija, oreebe." Hariho enaama ekomirwe n'akamanyiso hanu, etwire hanu hati kumara emyaka enkumi ibiri, haihi. Ka tureebe eki eri. Hati nitushanga hanu ngu akareeba (ki?) embaraasi erikutukura neegyenda omu maisho.

90 Hati, omu kwetegyereza eki kwangye, omu kwetegyereza kwangye, rurara mpango egi ei yaabaire aine omu ngaro ze . . . Hati twine nk'ebintu bishatu eby'okureebaho hati, nk'edakiika ikumi na itaano ezirkukurataho, edakiika makumi abiri. Ka tushome reero tureebe eki Arikugamba hanu.

"Haarugayo . . ." Omushororongo gwa 4. . . . haarugayo embaraasi endijo erikutukura, (ey'okubanza n'erikwera); owaabaire agishutamiho yaikirizibwa kwiha obusingye omu nsi, . . . ngu abantu baitane; kandi yaaheebwa rurara mpango.

91 Hati hariho ebirikushushaniriza hanu, kandi nitwenda kubireebaho tufireyo buzima. Kwonka, omu kwetegyereza kwangye, oku ndikumanya kurungi munonga hati, nimureeba, Yesu akaranga ekintu nikyo kimwe omuri Matayo 24. Mwareeba? Akagira ati, "Hati nimuza kuhurira engamba n'okurangaanwa kwazo, kandi engamba n'okurangaanwa kwazo, kandi n'engamba. Reero, kwonka," yaagira ati, "ebi byona tibikabaire kwija. Mwareeba, obwire bukaba butakabaire."

Mwareeba, bakabuuza Yesu ebibuuzo bishatu. Mwareeba? Kandi Yaabigarukamu omu bibuuzo bishatu. Aho niho baangi aha b'eishe-emwe baitu baabuzabuziibwe, nibagyezaho kuta omu mwanya . . . Ab'eishe-emwe aba Adiventisiti, ahari ebyo, ekiro kya mushanju n'ebindi nk'ebyo, enyima okwo, e . . . "Aryakareeba orizaara omwana, orikwontsy, kandi amarembo garyakingwa aha kiro kya sabato," n'ebintu nk'ebyo. Mugyensi! Nangwa tikiine kakwate n'ekibuuzo na kakye, mwareeba, na kakye. Mwareeba? Akaba naagarukamu ebi baabuurize, kwonka Tara-Tarabitaire byona omu biro by'aha muheru.

92 Akagira ati, "Muryahurira . . ." Hati nitukora aha kintu eki kimwe hanu. Nituza kuhika aha bindi byakyo, omu biro bikye. Mureeba. Akagira ati, "Muryahurira engamba, kandi n'okurangaanwa kwazo, n'ebindi nk'ebyo. Mbwenu ebi byona tibiri . . . Mwareeba, reero barya-baryagaruka enyima omurundi ogundi, bwanyima baryabahayo, kandi n'ebindi nk'ebyo bati. Kandi byona, byona ebitahikire." Kwonka ku Yaahikire aha bwire obu Yaabaire naaza kugamba nabo aha bi Baamubuurize, "okuhwaho kw'ensi." "Ebintu ebi byona biryabaho ryari, obu hatarigira eibaare na rimwe eryatsigaraho? Akamanyiso karyaba kaahi? Kandi okwija kuryaba ryari, okuhwaho kw'ensi?" Mwareeba, bakamubuuza ebintu bishatu.

Reero ku Yaahikire ahari, "Okuhwaho kw'ensi?" Akagira ati, "Ku murireeba omutiini nigutooka amababi, hati

nimumanya ngu obwire bwahikire aha muryango. Kandi buzimazima nimbagambira, ngu, obusingye obu tiburihwaho okuhitsya obu byona biribaho."

Reeba oku otarikwikiriza otashoboorokyeye, akunda kwegamira ekyo! Mwareeba? Akagira ati, "Obusingye obu," ti obusingye obwo obu Yaabaire naagambira, "obusingye obwareebire omutiini nigutooka amababi."

93 Hati niinyenda kugira eki naababuuza. Mufe-mufe kugira eki mwareeba hanu omu buso. Israeli hati, omurundi gw'okubanza omu myaka enkumi ibiri na magana ataano, ni eihanga. Ebendera erikukirirayo kimwe obukuru omu nsi neeyehuuba ahaiguru ya Yerusaalemu ekiro eki. Israeli eri omu nsi yaayo y'obuzaarwa.

Hanu hakaba hariho ow'eishe-emwe owaabaire naayenda kuba omumiishani obwire bumwe, yaayehuriramukukora obumiishani aha Bayudaaya. Naagira nti, "Noobaasa kutunga omwe hati na buri."

Oo, abantu bateekateeka, eihanga ryona! Ngaaha, sebo. Israeli neehindurwa nk'eihanga, ti nk'omuntu. "Eihanga riryazaarwa omu kiro kimwe." Egyo ni Israeli. "Israeli neejunwa yoona." Ekyo mukijukye. Paulo nikwo yaagambire. "Israeli neejunwa yoona." Hati mwetegyereze, "Israeli yoona." Ekyo buzima kihikire.

94 Hati mwetegyereze eki. "Kwonka," Akagira ati, "ku murireeba omuti gw'omutiini, kandi n'emiti endijo yoona, neetooka amababi gaayo." Hati mureebe. Tihakabahoga obwire, okumara emyaka enkumi ibiri na magana ataano, obu Israeli eraizire omu ihanga ryayo ry'obuzaarwa. Twineho omworeko mukye, gw'Edakiika Ishatu Okuhika Shaaha Mukaaga Z'ekiro, nimumanya. Ngigyo aho, eihanga, enyonyoozi y'enshonda mukaaga ya Daudi, neeyehuuba, kandi n'ebintu ebi byona.

Harabaireho obwire obu ebigombe by'amadiini biragizire okusisiimuka nk'oku bigizire omu myaka mikye echingwire? Hati mukyegeho kusha. Turi omu ka. Ni ryari obu ebigombe by'amadiini biragizire okubengyeya ahansi y'obuheereza bw'omuntu weena nk'oku kibaire omu bwa Billy Graham; Abametsodisiti, Ababaputisiti, kandi n'abandi nk'abo? Ni ryari obu harabaireho omushaija, musheruririze omu byafaayo byanyu, orarugireyo akaza omu kanisa y'emikoro, aine iziina eririkuhereruka na h-a-m, enyimaho? Okubabuuza kwonka. A-b-e . . . A-b-r-a-h-a-m. Hati mureebe, eiziina rya Abraham [ryaba rihandiikirwe omu rungyereza] riine enyuguta mushanju, A-b-r-a-h-a-m. Kwonka Ow'eishe-emwe waitu Billy Graham, aine G-r-a-h-a-m, enyuguta mukaaga, zitari mushanju. Ensi, okwo niyo arikuheereza, ekanisa y'obunyamubiri.

95 Ekanisa y'obunyamubiri, ekaba ari Looti, omuri Sodoma. Kandi omushija ogu ku yaashuumire eifo okwo reero akabuurira, kandi akabahumisa n'Engiri. Kwonka hakaba hariho Omwe, owaatsigaire na Abrahamu, kandi Abrahamu akamweta, "Elohim, Mukama." Hati Abrahamu ku yaareebire bashatu nibaija, akagira ati, "Mukama wangye." Looti ku yaareebire babiri nibaija, akagira ati, "Bakama bangye." Egyo niyo ntaanisa yaawe. Mwareeba omurimo gwanyu gwa tiriniiti? Mwareeba? Yesu akagira ati, "Nk'oku kyabaire omu biro bya Looti." Ekyo nimukireeba?

96 Mwetegyereze. Mukibare. Hati, hakaba hariho Omwe owaizire aha Kanisa y'omwoyo, Omugore, Abrahamu, owaabaire atari omuri-omuri Sodoma, okubanza kwa byona. Kandi mureebe eki Yaakozire. Tarabuuriire nk'oku baabuuriire. Akabeegyesa, kwonka bwanyima bakakora obumanyiso obwo omu maisho gaabo. Akakora akamanyiso ka Mesia. Akaba ateire eihema amabega, kandi Yaagira ati, "Abrahamu." Hati mwijukye, eiziina rye erihikire, ebiro bikye ekyo kitakabaireho, rikaba riri Abramu. Kwonka naagira ati, "Abrahamu, omukazi waawe S-a-a-r-a arahi?" Ebiro bikye ekyo kitakabaireho, akaba naayetwa S-a-r-a-i.

Abrahamu akagira ati, "Ari omu ihema, enyima Yaawe."

Reero Yaagira ati, "Abrahamu, Nyowe . . ." Ngigyo entsigwa rwetwara yaawe omurundi ogundi. "Niinyija kukutaayaayira kurugiirira aha kuragaanisa oku naakuhaire." Nimureeba eki kyabaire kiri. Mwareeba? Omushaija, omucuucu guri aha bijwaro Bye, arikurya enyama y'enyana, n'okunywa amate g'ente, kandi naarya n'otugaati tw'esaano y'obunono. Eego, sebo. Ruhanga, Elohim, ayorekirwe omu mubiri! Kikaragaanisibwa, omu biro by'aha mperu, okweyoreka omu mubiri omurundi ogundi! Mwetegyereze. "Abrahamu, omukazi waawe Saara, arahi?"

"Ari omu ihema, enyima Yaawe."

Yaagira ati, "Ninza kukutaayaayira."

97 Kandi omukyara, n'ekya buzima, ahikize emyaka igana y'obukuru, akaba nk'owaasheka; enyima omu ihema hati, enyima y'entimbe omu ihema. Saara yaagira ati, "Nyowe omukaikuru." Mpaho, aharibo kikaba kyahweire, okuba omushaija n'omukazi, okumara emyaka, noomanya, 'habw'okuba Abrahamu akaba ahikize emyaka igana y'obukuru, kandi-kandi-kandi Saara akaba ahikize makumi mwenda. Yaagira ati, "Ekyo tikiribaho."

Reero Yaagira ati, "Ahabw'enki Saara yaasheka?" Whew! Amabega Ge agateire eihema, "Ahabw'enki yaasheka, arikugira ati, 'Ebintu ebi nibibaasika bita?'" Mwareeba, Akaworeka akamanyiso.

Hati Naaragaanisa ngu eki kiragaruka kibeho omu bwire bw'aha muheru, omurundi ogundi. Kandi abo bashaija babiri bakashuumayo kandi baabuurira Ekigambo, reero baabagambira kurugayo; omwanya ogwo gukaba niguba kutsya, n'ebindi nk'ebyo. Kandi gukatsya. Reero Looti yaagwererana naashohora; ekanisa

y'obunyamubiri ahansi omu kibi, kandi n'omu rutenga, baitu kandi nibagumizamu nibangisiriza omuri zaapuroguramu zaabo z'ebibiina by'amadiini. Kwonka Omugore . . . Ogwo Mushaija omwe tarabahikireho. Akagyenda reero yaayeta ekirikushushanisa Omugore kusha. Hati turi omu biro by'aha muheru. Mwareeba?

98 Hati Mwetegyereze. "Aho ogambire oti, 'Ruhanga, okwelyoreka omu mubiri?'" Yesu akagamba, We wenka ati, "Nimuncewera orubanja muta?" Yaagira ati, "Tikihandiikirwe omuri Baiburi yaanyu, ebiragiro byanyu, ngu bo, baanabi, abu Ekigambo kya Ruhanga kyaiziire . . ." Yesu akagira ati, "Ekigambo kikaija ahari baanabi," 'habw'okuba omu bintu byona Akaba ari nk'oku Ebyahandiikirwe bigamba. Akagira ati, "Hati, Ekigambo kya Ruhanga kigira, ngu, 'Ekigambo kikaija ahari baanabi.' Kandi mukabeeta 'baaruhang'a ahakuba Ekigambo kya Ruhanga kikabaizira." Yaagira ati, "Mbweni nimuza Kuncwera orubanja muta ku Ndaagire nti Ndi Omwana wa Ruhanga?" N'ebiragiro byabo ahabwabo, akabibakomesa. Nikwo kiri. Mwareeba? Hati turahi? Turi omu bwire bw'aha muheru.

99 Hati muhurikize mufiireyo hati. Hati nitushanga ngu hakaba nihaza kubaho engamba n'okurangaanwa kwazo. Kandi hati nitureeba ngu omutiini gutookire amababi gaagwo. Kandi n'endijo miti ekatooka amababi gaayo. Abametsodisiti, Ababaptisiti, Abapuresibateeri, na boona, bakatooka amababi gaabo, okusisiimuka kw'amaani nikugyenda omu maisho. Hati niinyikiriza ngu Ruhanga naarundaana Omugore ahabw'eshaaha y'aha muheru, Entoore. Oo, mugyensi!

Hati mwetegyereze. Hati ka tuteekateekye aha ki Yohaana yaareebire, obwo, okw'ebintu ebi ebi yaareebire. "Embaraasi erikutukura; kandi n'ogitembire yaagyenda omumaisho, yaaheebwa obushoborozi okwita na rurara mpango."

100 Hati oku nikwo kushuuurirwa kwangye kwakyo. Ogu ni Sitaane, omurundi ogundi. Ni Sitaane, omurundi ogundi, omu nshusha endijo. Hati, nitumanya ngu-ngu Obumanyiso bwine akakwate . . . nk'oku ngambire ekiro kiri. Kandi enzamba ziine akakwate aha-aha-aha-aha ntaro z'ahagati y'ebibiina by'abantu omu ihanga, nimureeba, omu bantu, omu mahanga. Kwonka nimuza kushanga, hanu, ngu omushaija ogu aine rurara, n'ahabw'ekyo aine akakwate n'ekanisa, orutaro rw'ebi'obutegyeki. Hati nimubaasa kutateekateeka ekyo, kwonka mukireebe edakiika emwe, edakiika nkyeho.

Yetegyereze okuhinduka kw'erangi y'embaraasi ezi. Omutembi niwe omwe; okuhinduka kw'erangi y'embaraasi. Kandi embaraasi n'enyaishwa. Kandi enyamaishwa, omu Baiburi, omu kushushanisa, n'akamanyiso k'obushoborozi. Entwaza niyo emwe etembire aha rangi endijo, obushoborozi, kuruga omu rangi erikwera etaine nshonga kuza omu rangi erikutukura nk'eshagama. Mwareeba? Nimumureebe hati, oku arikwia.

101 Okubanza obu yaatandika, akaba ari, mpaho, akaba ari enyegyesa nkye omuri-omuri, omu, erikwetwa ebikorwa by'Abanikolaiti. Hataraho kubangaanisa, ekaba etarikubaasa kwita ekintu kyona. Okwo n'Okushuuururwa 2:6, mwaba nimwenda kukihandiika. Akaba atarikubaasa kwita ekintu kyona. N'enyegyesa kwonka, omwoyo gwonka omu bantu. Hati, tihariho eki yaabaire naabaasa kwita kyona.

Oo, akaba atainire kimwe nshonga, atembire embaraasi erikwera egi. "Mbweni, noomanya, nitubaasa kugira erkanisa ebugire ensi yoona. Nitubaasa kugyeta erkanisa ya boona." Nibakikikora. Ni kirungi. Mwareeba? Hati, "Nitubaasa kugira . . ." Oo, tikiiniire kimwe nshonga. Kandi, oo, tikiiniire kimwe nshonga. "N'ekibiina ky'abantu kwonka. Twena nitwija kweteerana hamwe ahabw'okuramya." Mwareeba, tikiiniire kimwe nshonga. ni erangi erikwera, ekaba eri embaraasi erikwera. Mwareeba?

102 Hati, nikwo ab'ebitiinisa, kandi n'abajwaire gye, hamwe n'abeegire, noomanya, nk'omuringo gw'enyonzi z'eibara rimwe, noomanya, "Nitwija-nitwija kuhika aha kugira ebintu hamwe. Reero ekyo kibiina ky'abooro, ahabw'enki, ku baraabe nibenda kuteera entsibo omu rugbyendo, mpaho, ni kirungi, kwonka nitu-nitwija kutunga ekibiina ekirikukiraho ky'abeegire ekiraije omu kanisa yaitu. Ku twakubaasa kweyiha hanu, nitwija-nitwija kuba e-nitwija kuba ekibiina ky'aba Masons, nari n'ebindi nk'ebyo, noomanya. Ebintu nitwija-nitwija kubitebeekanisa, nari ekibiina kya Odd Fellows," nk'oku bari. N'ahabw'ekyo obwo. . . Ti Kibiina kya Odd Fellow hati, kwonka nimumanya eki ndikumanyisa. N'ahabw'ekyo ti ky'obutoosha aha mwikiriza ow'amazima.

103 Hati, kwonka, ahandi, omu bindi bigambo, "Nitwenda ekibiina kikye, ekigombe ky'abakwataniise kikye eki turikubaasa kweta ekyaitu." N'enyegyesa yonka, eteiniire kimwe enhonga. "Ab'eishe-emwe, ahabw'enki, titwine eki turikufa naimwe bantu 'mwe, buzima tikiraho. Mwena muri kurungi, kwonka, nimumanya, nitwehuriramu ngu-nga twine omurimo kandi na buri . . . Itwe, tukaabaire turi gye okukiraho ku twakubaire twegaitsire." Mwareeba? Aha muheru kikagumirizamu kimwe okuhitsya obu kyabaireho, eego, sebo, okwegaita.

Kwonka omwoyo ogu omubi, ogurikubeihabeisha (oo, muntu 'we!) ku gwataahire omu muntu, omwoyo ogutaahire omu muntu; omwoyo gw'enyegyesa ogu gukataaha omu muntu, okuza omu mwanya gwa Kristo, omu muntu. Nigureekwa kuramibwa, obwo, gukahinduka kuba ogw'okuramibwa nka Kristo.

104 Omu bindi bigambo, ahaiguru omuri Vatikani. . . Mbaire ndiyo buzima. Kihandiikirwe, "VICARIVS FILII DEI," kandi kihandiikirwe omu namba z'Ekirooma. Hati, teera omusitaari ahansi y'ezo namba z'Ekirooma. Kandi nikimanyisa, "Omumwanya gw'Omwana wa Ruhanga." We, omu bindi bigambo, n'omujwekyerwa. Nimumanya eki

omujwekyerwa ari; okuza omu mwanya gw'ekintu nanka. Ni omujwekyerwa, "Omu mwanya gw'Omwanwa wa Ruhanga." Kandi Baiburi ekagira eti, "Ka ogwo oine ekiconco ky'obwengye abare enamba z'egyo nyamaishwa, ahakuba n'enamba y'omuntu. Enamba ego ni magana mukaaga na makumi mukaaga na mukaaga." Hati, okwate VICARIVS FILLII DEI, reero oteere omusitaari, n'enamba z'Ekirooma; "V" ahabwa itaano na "I" ahabwa emwe . . . Reero ozigaita, haza oreebe yaaba otaatunga magana mukaaga na makumi mukaaga na mukaaga.

105 Baiburi ekagira eti, "Naija kuba ashutami omuri hekalu ya Ruhanga, naaramibwa nka Ruhanga." Enyegyesa nkye ego ku yaataahire omu muntu ekaba omujwekyerwa, "Omu mwanya gw'Omwanwa wa Ruhanga." Mwareeba? Oo, mugyenzi! Ogwo mwoyo mubi munonga, ogurikubeihabeiba! Ku muraabe nimwenda kushoma ekyo, mushome omuri Abatesalonika ya kabiri 2:3, kandi nimubaasa kureeba ahu kiri.

Kandi, hatariho kubangaanisa, nimwija kwijuka Sitaane ku niwe mukuru ow'obushoboorozi bw'eb'yobutegyeki byona, wa buri ihanga. Ni bangahi abarikukimanya? [Abateeraine bagira bat, "Amiina." - Omur.] Nimwenda kukihandiika? Matayo 4:8, "Sitaane yaatwara Yesu yaamuhitsya aha rushozi ruraingwa, reero yaamworeka obugabe bw'ensi bwona, oburabaireho nari oburibaho, omu kaanya kakye." Gamba aha muntu! Akagira ati, "Niinyija kubukuheereza, ku orandamye." Kandi Yesu akaba naamanya ngu Niwe orikwija kubuhungura.

106 Ekyo nikyo barikugamba bat, "Ahabw'enki, imwe kibiina ky'abooro abarikwera abeekuringa 'mwe!' Ahabw'enki, turyahungura ensi! "Abacureezi baryahungura ensi." Ekyo nikyo Yesu yaagambire. Mwareeba? Mwareeba?

Mwetegyereze, Yesu akaba naamanya ngu Aryaba omuhunguzi waabwo, n'ahabw'ekyo Akagira ati, "Ndugaho, Sitaane. Kikahandiikwa," Yaagarukira kimwe omu Byahandiikirwe omurundi ogundi, nimureeba, "Oryaramya Mukama, kandi We wenka." Mwareeba?

Hati-hati obu-obu we, oku ari daimoni mukuru, otaahire omuri ogu muntu mukuru munonga, omunyadiini, nk'oku Baiburi erikuranga, obwo ekanisa ye naagigaita n'eihanga. Amaani ge gombi nigeegaita hamwe. Mwareeba? Omwoyo gwa antikristo obu gwarugayo, gukaba guri omwoyo. Bwanyima gwaba ki? Bwanyima gukaba . . . Hati mureeba Akamanyiso aka. Omwoyo obu gwarugayo, gukaba guri antikristo, niguhakanisa enyegyesa ya Kristo.

107 Ni kirungi. Ekintu ekyakuratsireho kika . . . Eki Kristo yaateereireho Ekanisa Ye okukora, kukaba kuri okurwanisa ekibi. "Oo, Tikirikumanyisa ekyo. Tikirikukimanya. Ekyo kikaba kiri eky'omuntu ondiijo. Ekyo, kikaba kiri eky'enyima emyaka igana echingwire, enyima okwo. Ekyo, ekyo ti kyaitu." Mwareeba? Ekyo, mwareeba, anti, "okuhakanisa." Bwanyima gwaba . . . Hati, otembire embaraasi akashohora, akaba-akaba ataine ekirunga, kwonka akakiheebwa. Egyo mbaraasi erikwera; akaba aine obuta, hatariho emyambi. Mwareeba?

N'ahabw'ekyo obu yaarugayo . . . Reero, ahanyima y'akaanya kakye, akaheebwa ekirunga, ahabw'okuba torikubaasa kuta ekirunga aha mutwe gw'omwoyo. Kwonka, obu, omwoyo ogu gwataaha omu muntu omu murimo gwa kabiri gw'o-gw'obusingye bwe obw'amaani ge g'eb'yomwoyo, omurimo gwa kabiri ogwo, akajwekwa ekirunga, nabi w'ebishuba, aha nkora y'omwoyo gwa antikristo.

Hati, nitumureeba hati, hati. Hati naaba ekyo, obu araatware ekyo. Obwo, niwe, ahi ndikugambira, Sitaane naategyeka obushoboorozi bw'eb'yobutegyeki bw'ensi.

108 Hati naaza kuhika aha kukora ekanisa eine obushoboorozi omu nsi yoona, arikutwara obushoboorozi bw'ediini.

Kandi timurikwetegyereza ab'eishe-emwe, ngu omu . . . Obu, eihanga eri nirireebeka omu shuura ya 13 ey'omu kitabo ky'Okushuururuwa, egi nyamaishwa nkye ekarugayo nk'omwanwa gw'entama. Kandi eine amahembe abiri, amaani ga gavumenti n'ag'eb'yekanisa, kwonka ekakora ekintu nikyo kimwe eki enyamaishwa yaakozire eyaamubandiize. N'eky'okutangaaza, Amerika ni namba ya ikumi na ishatu, kandi ni omukazi. N'eky'okutangaaza, neereebeka nangwa n'omu shuura ya 13 ey'ekitabo ky'Okushuururuwa. Tukatandika n'eminyarara ikumi na ishatu omu bendera, enyonyoozi ikumi na ishatu. Buri kintu ni, "ikumi na ishatu, ikumi na ishatu, ikumi na ishatu, ikumi na ishatu," okugumizamu kushuumu. Buri kintu ni "omukazi, omukazi, omukazi," okugumizamu kushuumu.

109 Kandi aha muheru eryahendra, (ninkiteebereza), omukazi aryagitegyeka. Mwijukye, ekyo kikabaho emyaka makumi ashatu echingwire, nkakigamba. Kandi-kandi e-ebintu mushanju ebi naarangire, bitaano aharibyo byabaireho. Kandi baine omuntu aho aho hati okutaasyamu ogwo mukazi. Kandi nimukiteerera akaruuru, okurabira omu by'obutegyeki byanyu aho. Yee. Huh!

Ni kirungi. Ni bingi munonga eby'okugamba, torikubaasa na kakye kuhika ahu orikwenda kuhika. Mwetegyereze hati. Tindaabakyerereze akaire karaingwa, ku ndaabe nyine okugumizamu omwabazyo gwa nyencakare.

110 Mureeba. Mwetegyereze. Sitaane obu . . . Hati, buri muntu, ngu, naamanya ngu Sitaane naategyeka amaani g'eb'yobutegyeki goona ag'ensi. [Abateeraine baagira bat, "Amiina"-Omur.] Nikwo Yaagambire. Matayo eshuura ya kana, nimikitunga, n'omushororongo gwa 8. Obugabe bwona n'obwe. Niyo nshonga barikurwana, entaro,

kwita.

Hati mwijukye. Ekyo t'eky'okutangaaza? Bakaheebwa rurara egi, okwitana. Oo, oo, oo, mugyenzi! Mwetegyereze hati. Hati, ku yaakozire ekyo, akaba atakagizire, amaani g'ekanisa. Kureka akatandika aine daimoni y'okwegyesa kw'ebishuba. Kandi okwegyesa okwo kwaba enyegyesa. Enyengesa egyo yaataaha omuri nabi w'ebishuba. Reero akaza omu mwanya oguhikire. Taragiire omuri Israeli, hati. Akaza Rooma; Niika, Rooma.

111 Orukiiko rukashutama, reero baatoorana bishopu omukuru. Reero, ahaw'okukora eki, bakageita ekanisa na gavumenti hamwe. Bwanyima, yaanaga obuta bwe. Akatemburuka aha mbaraasi ye erikwera. Yaatomba aha mbaraasi erikutukura, ahakuba naabaasa kwita buri muntu weena otarikwikirizana nawe. Nkako Akamanyiso kaawe. Omuntu niwe omwe! Mureebe atembire naagumizamu kuza omu butahwaho okwo, ari nayo, mwareeba, naateerana hamwe amaani ge gombi. Obu hati, nibagyezaho kukora ekintu nikyo kimwe, ekintu nikyo kimwe,

112 ebiro ebi. Kandi ekintu eky'okutangaaza, obundi timurikukyetyegyereza. Kwonka, ebiro ebi, kuruga omu kibiina ky'Abaptisiti omuri Louisville . . . Mukakihurira aha rediyo. Omugambi akaimuka reero . . . Ni bangahi abaakihuriire? Kihikire. Mwareeba? Ni kirungi, nkikyo. Nibenda, kandi nikishabwa omu kanisa hati, ku buzima tutarikwetaagisa, oo, okwegaita aha kanisa Enkatoriki batyo, kwonka tushemereire nk'okushaba nabo. Tunga . . . kandi, obwire nibwo bumwe ekyo nikigyenda omumaisho omuri Louisville, hanu Ruhanga naashwekuurira abantu Be Obumanyiso, okukyoreka ati, "Mutakikora!" Nimubireeba byombi nibikora hamwe? Mwijukye, ekikoona n'enkombe bishutama aha buteekamo bumwe, omu meeri. Buzima. Mwijukye buzima.

113 Hati nitushanga, naagaita obushoboorozi bwe, obwo, yaamara kuba byombi gavumenti n'ekanisa, eby'ekanisa. Mbwenu nimuza kukora ki? Naakora ediini ye. Kandi mbwenu naabaasa kukora eki arikwenda kukora. Obwo, aine obushoboorozi kwita weena otaraije kwikirizana nawe.

Ekyo buzima nikyo yaakozire, nakyo. Kandi ekyo akakikora buzima. Kandi eki ya-ya . . . Akakikora aha barikwera b'amazima ba Ruhanga ohuriire, abaarinzire Ekigambo kandi bataikirizane nawe aha bigunjano bye. Akabaita.

114 Hati, Ow'eishe-emwe Lee Vayle, kandi naimwe abeegyesa 'mwe hanu aha busingye bwa Niika n'ekanisa y'okubanza, tindikumanya yaaba mwashomire eki nari ngaaha. Ku muraabe nimwenda kukishoma, nimukishanga omuri Schmucker's Glorious Reformation. Kandi nimukishanga, ngu, obu Orikwera Augustine wa Hippo yaaba omusaserdooti omu kanisa ya Rooma, akatunga omugisha (opportunity), okuhitsya obu rimwe Omwoyo Orikwera yaagyezaho kumwijaho, reero Akamwanga. Ni bangahi abarikumanya ekyo, nk'omwegyesa? N'ahaw'ekyo, akanga Omwoyo Orikwera.

Ekyo buzima nikyo eky'okureeberaho ky'ekanisa y'Abapurotestante eriizooba, eyangire Omwoyo Orikwera. Akagaruka yaashuumma Hippo, kandi niwe wenyini owaakiteireho omukono, orupapura orwo orwabaire ruriho, "Okushuuuruurwa kuruga ahari Ruhanga, ngu kikaba kihikire kandi kirikushemeza Ruhanga, okwita buri muntu owaabaire otarikwikirizana n'ekanisa Enkatoriki ya Rooma."

115 Hati muhurikize. Ninjuriza omu kitabo ky'abafeereire okwikiriza, "Okuruga omu bwire bw'o-bw'Orikwera Augustine wa Hippo, okuhitsya 1586," aha baitsirwe Abarooma ahaw'eki barikwikiriza, "ekanisa Enkatoriki ya Rooma ekaita Abapurotestante mirioni makumi mukaaga na munaana." Rurara ye ekaba neetukura? Akaba atembire aha mbaraasi erikutukura? Kikaba kiri ki? Obushoboorozi nibwo bumwe; otembire niwe omwe. Ako niko Kamanyiso. Nibaikiriza, "mirioni makumi mukaaga na munaana," omu borthandiko by'abu baitsire ahaw'okwiriza kwabo, otabariiremu abo boona abaitsirwe aheeru y'abo. Oo, nikitiinisa munonga! Omu busingye bw'omwirima, zaamirioni z'abantu zikagaburirwa entare, bakaitwa omuri buri muringo, bakaba batarikubaasa kwinamira ekigunjano ekyo kya Rooma. Ekyo nimukimanya.

116 Mwine obwire burikwingana ki? [Abateeraine bat, "Obwire bwingi. Ekiro kyona." -Omur.] Ni kirungi. Ka ngire eki naashoma. Mubiikuure naanye hati, ka ngire eki naabooreka. Ka tu-ka tuteere ekishushani omu biteekateeko ekintu eki, edakiika yonka. Kifiire kwija omu biteekateeko byangye, mbwenu nituza kukishoma. Ka tubiikuure omu kitabo ky'Okushuuuruurwa, omu shuura ya 17 y'Okushuuuruurwa. Tukiine edakiika ikumi na itaano ezitsigaire. Ni kirungi. Hati muhurikize mutaireho omutima hati, twaba nitushoma. Imwe abaine Baiburi zaanyu kandi muzibikuure, naaza kubaha akaire kakye, kugira ngu mikitungye.

Ekyo okitungire, Lee? Omuri Schmucker's nimwo nkiihire, mwaareeba, Glorious Reform, kihirwe kimwe okuruga omu kitabo kya Rooma ky'abaitirwe ahaw'eki barikwikiriza, omuri Vatikani.

117 Hati, ekyo kikagumizamu okuhika aha kuhiiqwa kw'abantu b'Orikwera Patrick. Mbwenu kandi beeta Orikwera Patrick orikwera waabo-waabo. Huh! Obukaturiki bw'Orikwera Patrick bukaba buri nk'obwangye; kandi nimumanya oku ndi. Mwareeba? Aka-akanga enyegyesa y'ekeleziya. Akanga kuza owa paapa. Eego, sebo.

Orikwera Patrick nangwa . . . Ahabw'enki, imwe, muragiireho okwo omu kyanga kya Bukiizi-bwa-bumoshio ekya Ireland, ei yaabaire aine amashomero ge! Niumanya, eiziina rye rikaba ritari Patrick. Ni bangahi abarikumanya ekyo? Eiziina rye akaba ari Sucat. Ekyo kihikire. Munyaanya omuto akamuburaho. Nimwiju obu ba . . . Mwareeba?

118 Ni kirungi. Hati mwetegyereze, eshuura ya 17 ey'Okushuurwa. Hati buri muntu agyezeho kwigura omutima gwe. K'Omwoyo Orikwera abeegyese hati.

... omwe ahari baamaraika mushanju abaataire baine-baine enyabya mushanju, yaija ahu ndi . . .

Hati, nimureeba, hariho Enyabya Mushanju. Noomanya, zaamushanju ezi, nk'oku turikukirabamu, zoona nizibaho omu bwire nibwo bumwe; nizikuratira Ebibonaboneso, nizikuratira obusingye bw'ekanisa, nikyo kimwe, 'habw'okuba byona bikomirwe n'akamanyiso omu Kitabo ekyo kimwe, buri kintu. Kandi buri kintu nikibaho omu rubu rwakyo; kimwe nikitaahira kimwe omu kindi, kandi n'ekindi, kandi n'ekindi. Hariho emyoyo ebiri erikukora; Ruhanga na Sitaane. Mwareeba?

... abaataire baine enyabya mushanju ez'aha muheru yaija, (yaagamba naanye) yaagira ati: . . . Ija hanu kandi niinyija kukworeka . . . nkwarekye orubanja oruricwerwa maraaya omukuru oshutami aha maizi maingi,

119 Hati mureebe hanu, eruguru hanu, ngu, "amaizi." "Maraaya," ekyo nikimanyisa ki? Ogwo n'omukazi. Tarikubaasa kuba omushaija. Kandi omukazi naashushanisa ki omu kanisa, omuri Baiburi? Ekanisa. Ahabw'enki? Omugore wa Kristo, n'ebindi nk'ebyo; nimureeba, n'omukazi, egyo kanisa.

Hati, "amaizi," ekyo nikimanyisa ki? Mureebe hanu. Mushome omushororongo gwakyo ogwa 15 aho.

Yaagaruka yangira ati: Amaizi agu waareeba ahi maraaya ogwo ashutami, n'abantu b'emiringo mingi . . . emitwe mingi . . . amahanga n'endimi.

Ekanisa egi ekaba neetegyeka omu nsi yoona, mwareeba, "Akaba Ashutami aha maizi maingi."

Owaashambaine n'abagabe b'ensi, okushambana kw'omwoyo (kwikiriza enyegyesa ye, enyegyesa y'Abanikolaiti), n'abatuura omu nsi bakasinda viinyo, nibwo bushambani bwe. Mwojo, mugambe aha kibiina ky'abasinzi, ahariyo! Imwe . . .

Yantwara omu ihamba ndi omu Mwoyo, naareeba omukazi . . .

120 Kandi nimumanya ki? Ebihandiiko by'Abakatoriki byo byonka nibiikiriza ngu egi n'ekanisa yaabo. Ni bangahi abarikumanya ekyo? Kiri omu bihandiiko byabo ahabwabo. Nyine Facts Of Our Faith, nikwo kirikwetwa, hati, mwareeba; n'eky'omusaserdooti. Ni kirungi.

Yantwara omu ihamba ndi omu Mwoyo, naareeba omukazi ashutami aha nyamaishwa erikutukura, ejewire amaziina g'okurogota, kandi eine emitwe mushanju n'amahembe ikumi.

Hati mureebe ekyo, eky'okushushanisa ekyo, egoy "mitwe mushanju." Hati mureebe hanu ahu kirikugira kit, "Kandi n'e-kandi n'e-kandi n'e. . . Emitwe ei waareeba ni obubungo mushanju ahu omukazi ashutami." Rooma eshutami aha bubungo mushanju. Mwareeba? Hati tihariho nshobe yoona ahari ekyo, mwareeba, "Emitwe mushanju." "Kandi n'amahembe ikumi," nimumanya, n'obugabe ikumi, n'ebindi nk'ebyo.

Omukazi ogwo akaba ajwaire emyenda ya bujwa . . . n'erikutukura, . . . ayehunzire eby'ezaabu n'amabaare ag'obuguzi bwingi . . . eruuru, aine ekikopo ky'ezaabu omu ngaro ze ekijwire ekihagaro-ekihagaro n'okusiisikara kw'obushambani bwe;

Omwoyo ogwo gwa antikristo, "obushambani," mwareeba, "okwegyesa," okwo kushambana na Ruhanga. Mwareeba? Hati, ashemereire kuba Omugore, mwareeba; hazza naashambana. Mwareeba? Nka Haawa oku yaakozire, nk'oku ekanisa erikukora aho. Mwareeba?

121 Kandi aha buso bwe hahandiikirweho eiziina: BABULOONI (EY'OMUBONANO) ORUREMBO ORUKURU, . . . Kandi omuntu weena naamanya, "BABULOONI" ku ni Rooma. . . . NYINA WA BAAMARAAYA N'EBIHAGARO BY'ENSI.

Reero muhurikize omushororongo gwa 6. Naareeba omukazi ogwo asinzire eshagama y'abarikwera n'eyabaitisirwe ahabwa Yesu. Ku naamureebire, naatangaara munonga.

Ogwo mukazi akaba ari ekintu kiboneire munonga kityo, aine emisharaba na buri kintu ahariwe! "Nikibaasika kita we okusingwa orubanja orw'okunywa eshagama y'abarikwera?" Kikamushobera. Hati Yaaza kumugambira.

Maraika yambuuza ati: Waatangaazibwa ki? Niinyija kukugambira eky'omubonano ky'ogwo mukazi n'eky'enyamaishwa ei arikugyenderaho . . . Hati, eki tikiri ahansi ya kamwe aha Bumanyiso. Eki n'ekintu ekindi, mwareeba. Kandi yaagira . . . emitwe mushanju n'amahembe ikumi.

Enyamaishwa . . . ei waareeba ekaba eriho, hati teriho, neeyenda kuruga omu kiina ekitaine bugarukiro (taine musingye, paapa), eze omu kuhwerekyerera; kandi abatuura omu nsi, abu amaziina gaabo gatakahandiikwaga mu kitabo ky'Omwna gw'entama ky'amagara (abo n'Entoore, mwareeba), ky'amagara okuruga aha kuhangwa kw'ensi, baryatangaara . . .

Ni bata, ni ryari obu eiziina ryawo ryahandiikwa omu Kitabo ky'Amagara? Omu kusisiimuka okwo oku

waagiiremu? Ngaaha, sebo. "Kuruga obu omusingye gw'ensi gwateebwaho."

... ku baareebire enyamaishwa egyo, ahakuba ekaba eriho, ... teriho, haza kandi neija kubaho.

Mwareeba, "egyo nyamaishwa," omwe aryafa, ondijo aze omwanya gwe. "Akaba ariho; akaba atariho. Akaba ariho; akaba atariho. Ariho; akaba atariho." Kandi aryagiira kimwe omu kucwekyerera, omuringo ogwo. Mwareeba? Ni kirungi.

122 Eki nikyetenga-eki nikyetenga omutima ogwine obwengye. Ni bangahi abarikumanya ngu hariho ebiconco by'omwoyo mwenda, kandi kimwe omuribyo n'eky'obwengye? [Abateeraine bati, "Amiina." -Omur.] Ni kirungi. Emitwe mushanju nibwo bubungo mushanju, ahu ogwo mukazi ashutami; Oo, okaaba ohumiire kimwe, ekifa-matu kandi ekiteta, okuteetegyereza ekkyo. Mwareeba? Ni kirungi.

... nibo bagabe mushanju; aharibo bataano bakagwa, omwe ariho, (Nero), kandi ... ondijo takaizire; ku ariija, ashemereire kugumaho omwanya mukye.

Nimwijuuka eki yaakozire. Akootsy orurembo, reero yaakita aha Bakristaayo. Kandi yaata nyina aha kiti kimwe ky'embaraasi reero yaamukurura omu nguuto. Reero yaateera omukuri, obwo Rooma neetsya. Ni kirungi.

Enyamaishwa eyaabaire eriho, mbwenu etariho, niwe mugabe owa munaana ...

Rooma y'empagaani, kureetwa omuri Rooma y'obwa paapa. Omwoyo gwa antikristo ku gwataahire omu mutu gwaba omuntu, kandi gwajwekwa ekirunga, akahindurwa omugabe ojwekirwe ekirunga wa Rooma, byombi omu gavumenti n'ekanisa, hamwe. Oo, ow'eishe-emwe! Mwareeba, kijuriire kimwe ebyo. Mwareeba?

... n'omwe ... ahari abo mushanju, kandi nawe naija ... (Naamara bwire ki? Tibakaahindura aha ntwaza egyo.) ... kuhwerekyerera.

... amahembe ikumi agu waareeba n'abagabe ikumi abatakeemire nk'abagabe; kwonka nibaija kuheebwa obushoboorozi nk'abagabe okumara eshaaha emwe hamwe n'egyo nyamaishwa.

Abo ni ba ngamba nyenka, nimureeba, hatariho okubangaanisa. "Aba baine omutima gumwe." Hati mureebe hanu. Tikirkugamba ahari komyunizimu. Mwareeba?

Abo nibaakwatanisa hamwe kuha egyo nyamaishwa amaani gaabo n'obushoboorozi bwabo;

(Aba) baryarwanisa Omwana gw'entaama, kwonka Omwana gw'entaama aryabasingura, ahakuba ni Mukama w'abakama kandi Omugabe w'abagabe, kandi abo abu aine n'abaayetsirwe, ... abaatoorainwe kandi abeesigwa.

Yaagaruka yangambira ati: Amaizi agu waareeba ahi maraaya ogwo yaaba ashutami, n'abantu b'emiringo mingi... emitwe mingi... amahanga n'endimi.

123 ... amahembe ikumi agu waareeba (aha nyamaishwa, aga) garyayanga maraaya ogwo, kandi egyo ndagaano ehendwe ... (ngigambireho ekiro kya nyomwabazyo.) ... atsigare wenka ajwaire busha; baryarya enyama ye, bamwokyeze kimwe n'omuriro.

Timurikumanya ngu Baiburi egira ngu bakama b'emeeri, kandi na buri kintu ekindi, bakagira bati, "Ai bambe, ai bambe, orwo rurembo orukuru! Ka rucwekyereziibwe omu shaaha emwe!" Mwareeba?

Ahakuba Ruhanga akakita omu mitima yaabo ngu bahikiirize enaama ye, ahabw'okugira omutima gumwe okuha enyamaishwa egyo obushoboorozi bw'okutegyeka obugabe bwabo, okuhitsya obu ekigambo bya Ruhanga birihikiirizibwa.

... omukazi ogwo, ou waareeba, nirwo (orwo) rurembo orukuru orurikutegyeka abagabe boona b'ensi.

124 Ngambira emwe. Russia terikutegyeka goona. Titurikutegyeka goona. Hariho omugabe omwe wenka ottegyeka ahaiguru ya buri ... nk'ekyo kyoma kya Nebukadeneeza ekiruhika omuri buri rukumu rw'ebigyere. Egyo ni Rooma. Rooma terikukikora nk'eihanga; neekikora nk'ekanisa.

Buri ihanga ahansi y'eiguru niritegyekwa Rooma. Tiky'okutangaaza bakagira bati, "N'oha owaakubaasa kumurwanisa?" Naabaasa kugira ati, "Obusingye," [Ow'eishe-emwe Branham yaateera eshabari n'orukumu rwe rimwe.-Omur.] ekyo nikimara. Buri Mukatoriki agira ati, "Ni, mutarwana," kandi-kandi tibarwana. Nikyo ekyo kyonka. "N'oha orikubaasa kukora eki arikubaasa kukora?" Tihariho n'omwe. Ekyo kihikire. "N'ahabw'ekyo nibeebuuza aha by'amahano ebi arikubaasa kukora." Naabaasa kwemereza orutaro. [Ow'eishe-emwe Branham yaateera eshabari n'orukumu rwe rimwe.] Ekintu kyonka eki arikuteekwa kukora n'okugamba kusha ati, "Murekyere aho." Nikyo ekyo kyonka. Kwonka nimuteekateeka ngu aryakikora? Buzima tarikikora.

125 Mwategyereze, ekyo buzima nikyoreka ngu, "Bashemereire kwitana. Bashemereire kwitana." Obuta bwe bukaba butaine myambi, omu kubanza, kwonka "rurara ye mpango" ekaita. Akaita, ahanyima, reero yaahindura yaaruga aha mbaraasi erikwera yaaza aha mbaraasi erikutukura; niyo emwe, buzima, Sitaane, na rurara ye.

Yesu akagamba ki? Yesu akagira ati, "Abo abatwara rurara baryaitwa rurara." Mutabagaruriza omu kurwana.

Mwareeba? Yesu, ekiro ekyo obu Yaagamba, akagamba ekyo reero, Petero yaakwata rurara ye. Mwareeba? Mukore nk'oku Yaakozire, mugyende omumaisho.

126 Hati, hati mwijukye, aine rurara. Naagyenda omumaisho, rurara omu ngaro ze; atembire, embaraasi erikutukura, arikuribata omu shagama ya buri muntu otarikwirizana nawe. Hati nimukyetyegyereza? [Abateeraine bati, "Amiina." -Omur.] Ni bangahi abarikwetegyereza eki ako Kamanyiso kari hati? ["Amiina."] Ni kirungi. Hati, Yesu akagamba ki? "Abo abatwara rurara baryaitwa na rurara." Ekyo kihikire? Ni kirungi.

Ni kirungi. Otembire embaraasi ogu kandi n'abantu boona ab'obugabe bwe abarikwita okushuma kurabira omu busingye, abaasheeshire eshagama egi yoona y'abarikwera abaafeereire okwikiriza, baryaitwa na Rurara ya Yesu Kristo ku Ariija. "Abo abatwara rurara baryaitwa na rurara." Bakakwata rurara y'ekigunjano na antikristo, reero baatema baagwisa ahansi abarikuramya b'amazima, abahikire, okushuma kuraba omu busingye, abarikubarirwa omuri zaamirioni. Kandi Kristo ku araije na Rurara, ahakuba n'Ekigambo Kye ekirikuruga omu kanwa Ke, Naija kwita buri muzigu ori omumaisho Ge. Nimukiikiriza? "Ita omuzigu."

127 Ka twambukye hanu edakiika budakiika, Okushuuruurwa. Nitwija kureeba hati yaaba ndikufa kukigamba, nari yaaba Ekigambo nikikigamba. Okushuuruurwa 19:11.

Ku naimukize amaisho, naareeba eiguru rikinguukire (amiina), (kandi, reeba) embaraasi (erikwera). Ogishutamiho naayetwa Mwesigwa, kandi Mazima. Niwe acwa emanja kandi niwe arwana engamba omu kuhikiirira.

Amaisho ge nigashusha nk'endimi z'omuriro; kandi . . . ebirunga bingi aha mutwe; . . . Oo, ow'eishe-emwe! Mwareeba, Yaaherize kujwekwa ekirunga n'abarikwera Be, nimureeba. . . . aine eiziina erihandiikirwe, eritarikumanya muntu weena kureka . . . wenka. Mwijukye, ti-titrikubaasa, ekyo titurikimanya, mwareeba, eki kiri. "Kandi akaba ajwaire . . ." Ka tureebe.

Ajwaire ekijwaro (ekijabikirwe omu shagama), kandi eiziina rye ni (ti "ni," kureka "naayetwa") Kigambo kya Ruhanga. Ahakuba, We n'Ekigambo ni kimwe. Mwareeba?

Hati mwetegyereze, ti "amaziina Ge." Ahaa! "Eiziina Rye niryetwa 'Ekigambo kya Ruhanga.'" Nikimanya Eiziina rimwe ryonka, tihariho eiziina erindi.

Amahe ag'omu iguru, gaamukurata gatembire embaraasi zirkwera, bajwaire emyenda ya kitaani erikwera kandi emirungi munonga. (Okwo n'okuhikiirira kw'abarikwera. Mwareeba?)

128 Hati mureebe. Yesu akagamba ki? "Ogwo otwara rurara . . ." Ni kirungi, otembire embaraasi erikutukura, hanu ahu arikwija. "Ogwo otwara rurara . . ." Noobaasa kuba waitsire mirionyi makumi mukaaga na munaana zaabo, okushuma kuraba omu busingye obu, kwiha obwo; obundi n'okukiraho. Kwonka Yesu akagira ati, "Ogwo otwara rurara aryaitwa rurara." Mureebe.

Omukwana ke haarugamu rurara y'obwogi . . .

Abaheburaayo, eshuura ya 4, ekagira eti, "Ekigambo kya Ruhanga kiine obwogi bwingi okukira rurara ey'amoogi abiri, nikicunita nangwa kihika aha mushokooro gw'eigufa." Kandi Nikikora ki, Ekigambo, ekyo? "Nikicaaka ebiteekateeko eby'omu mutima." Kihikire.

. . . omu kanwa ke haarugamu rurara ey'amoogi abiri . . . y'obwogi ey'okutemesa amahanga; kandi aryabategyekyesa enkonzi y'ekyoma, abaribatiirire omu inyuukiro ry'obushaarizi bw'ekiniga kya Ruhanga ow'obushoboorozi bwona;

Kandi aha kijwaro kye n'aha kibero kye hahandiikirweho eiziina eri, OMUGABE W'ABAGABE, KANDI OMUKAMA W'ABAKAMA.

129 Nk'oku abarikweyeta eki batari okurwanisa Ekigambo kya Ruhanga, kandi ahabw'okuba bakaba batarikubaasa kwikiriza, kandi ekintu eki . . . Sitaane akata, akagaita obushoboorozi bw'ebi'obutegyeki obu yaabaire aine, kandi n'obushoboorozi bw'ebi'omwoyo obu yaabaire aine, hamwe, reero yaakora ekanisa erikuhika omuri buri ihanga. Kandi ataire zaamirioni okubazamu zaamirioni . . . ahanyima y'okuguruka akaruga aha mbaraasi ye erikwera, akaza ha mbaraasi ye erikutukura, kandi akawata rurara ye reero yaagyenda omumaisho. Kwonka Ruhanga akagamba ati, "N'Ekintu nikyo kimwe eki yaakiikamize, nari akagyezaho kukiikamya, ahabw'enyegyesa y'ebishuba; Ekigambo ekyo kimwe kiriyaimuka omu maani, nikiruga omu kanwa ka Yesu Kristo, kandi kiriyamwita, na buri kintu ekiri omumaisho Ge." Amiina. Ako niko Kamanyiso ka Kabiri. Nimumukunda? [Abateeraine bati, "Amiina"-Omur.] Oo, mugyenzi! Ekyo ni OKU NIKWO MUKAMA ARIKUGIRA. [Abateeraine baashemererwa munonga.] Okuhimbisibwa kube ahari Ruhanga!

130 Okushuuruirwa oku okundi kwona, n'okworekwa, kandi na buri kintu, ku biraabe bihikiire kimwe aha nshonga! Kandi ni bangahi abarikumanya ekyo? Mwereeze emikono yaanyu. Amagana, buri muntu hanu, n'emikono yaabo eri ahaiguru. Ekyo kihikire. Nikwo n'Aka karaije kuba! Mwijukye, nikwo kari.

Oo, munywani! Mwije aha Nshuro ejwire Eshagama, Ehirwe omu mitsi ya Emanueli; Ahu abasiisi baibikwa

ahansi y'omwegenye, Baihwaho amabara goona ag'okushinjwa orubanja.

Mwije, Mumwikirize, ku muraabe Mutakamwikirizaga, mutazaanisa omugisha ogu; mutakikora, mutakikora, ku haraabe hariho ekintu kyona omu magara gaanyu, banywani. Turi hanu. Hariho ekirikwetebeekanisa kubaho. [Ow'eishe-emwe Branham yaakongoota aha kituuti emirundi ena -Omur.] Tindikumanya abaw'enki. Tindikumanya ni ryari. Nimmanya ekirikuza kubaho, kwonka tindikumanya obu kirikuza kubaho. Kwonka nikiteekwa kubaho, abaw'okuba Naakishuuruura hati obu.

Takora kintu kyona kureka Yaakyoreka. Amosi 3. Naakyoreka, okubanza. Kandi Akaragaanisa ngu ebintu ebi biryaija omu biro by'aha muheru. Kandi obusingye bw'ekanisa ya mushanju, aha muheru gwayo, entumwa ku eraaheze kwija, aho kiryabaho.

131 Kikaba nikiza kushuuruurwa, Obumanyiso obwo obubambwirwe buryashuuruurwa, mbwenu Mbubu hanu. Hati, ekyo ni omu Iziina rya Mukama. Mubwikirize, banywani. Eego, sebo. Murugye omuri Babulooni!

Niinyenda kugira eki naagamba ntakahendeire. Ahabw'okuba, nyine . . . Ndi hahi kuhika omuri ishatu n'ekicweka. Hati obu nibwo bwire.

Billy hamwe naanye, ku twarugire omu nyonyi, omuri India, orugyendo rwaitu orw'aha muheru okwo. Nkaba nindieba aha rupa-rupapura oru baareetsire, ruhandiikirwe omu Rungyereza. Kandi rukaba nirugira rutu, "Omutsitsa nigubaasa kuba guhweire; enyonyi nizigaruka." Bwanyima rwashoboorora buri kintu. Bo . . . Hariho ekintu ekirikushetsya ekyabaireho.

132 India tibaine engo za sengenge nk'oku tukora. Nibatooroota amabaare, reero bakora engo zaabo. Kandi enju zaabo nyangi nibazombekyesa amabaare, nibagata eruguru okwo. Kandi okwo nihatagata, aho, oo, ahantu hoona, haihi, omuri India, kureka waaba ori eruguru omu nshozi. Kandi hoona kushuma kuraba omuri Calcutta, n'ebindi, abantu nibafa kubyama aha rubaju rw'enguuto omu tauni, enjara eri haihi kubaita, n'ebindi nk'ebyo.

Hati, mbwenu, kandi nibombeka amaju gaabo omu minaara, y'enju zaabo. Nibataho oru-orugo ahaiguru okwo, aha rubaju rw'enu zaabo. Nibombeka omunaara aha nju zaabo, kandi omunaara nigubaasa kuba ahu baine eiziba. Bakaririma abaw'ente zaabo n'ebindi, bwanyima baheehinguririze n'engo zaabo.

133 Reero, ahonaaho, hagire ekyatandika kubaho. Obunyonyi bukye, nimumanya, nibuza omuri ezo nkiri, reero bwombeka ebyashuri byabwo kandi bworore obwana bwabwo. Reero hagire ekyatandika kubaho.

Buri kiro, ku hootsy, ente zonna nizijja kwija aho reero zeemerere ahansi y'ekicuucu ky'ebyo bisiika; zigume nizifuka. Kandi obunyonyi bwona obukye butuura omu myanya egoo. Kandi, ahonaaho, obunyonyi bukye, obwo bwona, abaw'enshonga etarikumanya . . . Hati, nimumanya eki tugambre eizooba riri aha bunyonyi obukye. Mwareeba? Enshonga etarikumanya, bwona bukaguruka. Kandi bukashohora, kandi tibwagaruka omu byashuri byabwo. Bukashohora bwaza omu ishwa, reero bwateekama omu miti, kandi na hoona ahu bwabaasize kutunga, nari aha'itaka honyini.

Ente zikaba zitarikubaasa kwirira aho. Entaama zikaba zitarikubaasa kwirira aho. Zikaguma omu ishwa kandi zaayegamirana. Ekyo n'ekintu kirungi eky'okukora. Zikamanya ngu hakaba hariho ekyabaire nikiza kubaho. Bwanyima, ahonaaho, omutsitsa gwabaho, kandi gwatengyesa ebisiika byagwa ahansi, engo zaagwa ahansi, kandi na buri kintu ekindi.

Reero obunyonyi obukye bwatandika kugaruka omu ka. Tiburagarukire okumara ebiro bishatu nari bina; bwanyima bwatandika kugaruka. Bakagira bat, "Mpaho, emitsitsa neeteekwa kuba ehweireyo hati; enyonyi ziriyo nizigaruka."

134 Ahabw'enki? Timurikwikiriza ngu Ruhanga ogwo omwe orikubaasa kureetera enyonyi ezo n'ente kandi n'entaama, omu biro bya Noa, kutaaha omu meeri, Niwe okiri Ruhanga ogwo otahinduka orikubaasa kuzireetera kugaruka zikaza omu buhungiro? Ekyo kihikire? [Abateeraine baagira bat, "Amiina." -Omur.]

Hati ka ngire eki naagamba, ow'eisha-emwe. Hariho ekirikwetebeekanisa kubaho. Kandi ebisiikabihango ebi byona, by'ekanisa ebya ira nibiza kugwa, kandi bigyendere kimwe obuseeri okwo, kandi biikirize. Habw'okuba, nibaza kukikora, hatariho kubangaanisa nk'oku nyemereire hanu. Hariho "ekishushani abaw'enyamaishwa egoo," hatariho kubangaanisa nk'oku nyemereire hanu; kandi eihanga eri rikakitwara, kurugiirira aha Kigambo kya Mukama.

Hurikiza, ku muraayehuriremu okwo kwehuriramukukye, okutari kw'obutoosha, murugye aha bisiika ebyo. Murugyeho! Nimwija kubifeeramu. Mutakikora! Mubirugyemu! Murugye aha bintu ebi byona! Muhungye muze omu buhungiro, jubajuba nk'oku murikubaasa. Mushabe Ruhanga esaasi.

Mutafa kutwara, bimwe, "Mbwenu, maawe akaba ari owa Metsodisiti, n'ahabw'ekyo nintekateeka niinyija kuba owa Metsodisiti.

Taata akaba ari owa Baptisiti; ndyaba we. "Ekyo mutakikora. Muta-mutazaanisa omugisha ogu. Tindikufayo oku kyanguhi kandi n'okworoba oku kiraareebekye; N'ekigambo kya Mukama. Muhungire ahari Yesu Kristo

jubajuba nk'oku murikubaasa, kandi mugume aho okuhitsya obu Ruhanga araabajuze n'Omwoyo We Orikwera. Ahakuba eshaaha neeza kuhika obu muraaze Kumusherura, kandi aryaba Atakiboneka. Mbwenu, muhamye okukikora.

### 135 Ka twinikye emitwe yaitu, akaanya kakye.

Tataitwe ow'omu Iguru, oo, ni-ninfa, obumwe n'obumwe, Mukama, ninyemerera aha reero-reero ntetema. Nintekateeka ahari egyo shaaha mbi erikwirira haihi, kandi ni . . . Tihariho oburyo bwona okukizibira. Kikarangwa ngu kiryaija. Kandi nteekateekire ahari, "Ahabw'enki abantu batarikwija reero-reero-reero bakahurikiza? Kandi tibaija reero Bakakikiriza?" Kwonka, hatariho kubangaanisa, nimmanya ngu-ngu O-Okagira ngu tibarikikora, mbwenu tibarikikora.

Kwonka hariho bamwe abaine amaziina gaabo gahandiikirwe omu Kitabo ky'Amagara ky'Omwan gw'Entaama. Kandi ku Obumanyiso obwo buraabambuurwe bukanagwa aho, nibareeba amaziina gaabo aho, reero Omwoyo Orikwera agambe nabo. Nibaija. Torikubaasa kubazibira; tihariho n'omwe orikubaasa, tihariho n'omwe. Nibaija, oku biraabe, ahabw'okuba Obeebembeire nk'oku Waakozire obwo bunyonyi bukye, n'entama kandi n'ente. Ori Ruhanga! Okurabura okwahangiirwe omuri ebyo bikooko, oku birikumanya ngu nibiteekwa kuhunga! Mbwenu okurabura okuhangiirwe omu kikooko,

ku kuraabe kwabaasize kurabura ekikooko kuhunga kuruga omu kabi, Omwoyo Orikwera ashemereire kukora ki aha Kanisa erikwegamba kuba ejewire Omwoyo Orikera! Ruhanga, otugirire embabazi.

Tusaasire twena, Mukama, okuremwa kwaitu. Titurikumanyisa okwemerera hanu aha kituuti eki reero tukareka abantu aba kwemerera aha rubaju rw'ebisiika, n'engingo zaabo nizishaasha, reero turugyeho kandi tugire tuti, "Mpaho, ekyo ni kirungi munonga okukihurira."

136 Mukama, nitwenda kugira eki twakikoraho. Itwe, itwe nitwenda ngu Ocaake emitima yaitu. Ku haraabe hariho ekintu kyona ekigwire, Mukama, ka tukimanye hati. Nyaburawе otatureka tukahika aha shaaha egyo, seeri, obwire bwahweireyo. Ncaaka. Ongyeze, Mukama. Hanu, niinyemerera aha ahabw'embabazi za Ruhanga, nindeeba obumanyiso obwo nibubambuurwa okwo, kandi nkaija, ningambira abantu. Obu, Okaranga ku kiryabaho omuringo ogu, esaabiiti ezhinghwire. Kandi hati, Taata, Buri hanu, omu maisho gaitu.

Hati, Mukama, ngyeza. Ncaaka. omu mutima gwangye. Mukama, titu . . . Itwe, nitwenda ngu Iwe oreebe omu magara gaitu. Kandi ku haraabe hariho ekintu kyona ekirimu, ekitahikire, kitugambire, Mukama. Nitwenda kukigorora, hati hati; hati hati, hakirih Enshuro ejewire Eshagama, hakirih e-e ekimaramu rangi ekirikubaasa kutushemezaho ebibi byaitu n'obutaikiriza. Nitwenda kwibika emitima yaitu ahansi y'egyo; obutaikiriza bwaitu bwona.

137 Ruhanga, yamba obutaikiriza bwaitu; obutwiheho, Mukama. Nitwenda kwakiira embabazi z'okutwarwa. Nitwenda kuba abarikubaasa, obu Okuhinda okwo okw'omubonano kuraahindire seeri, reero Ekanisa ekatwarwa omu iguru, nitwenda kweteguura kukyakiira, Mukama, kituhe. Tugyeze, Mukama, n'Ekigambo Kyawe. Ka Tukireebemu. Reero ku turaareebe ngu turemirwe . . .

ku haraabe hariho abo hanu, Mukama, abaabatiziibwe omu bitiinisa; bataine ki barikumanya aha kubatizibwa okuhikire, okw'amazima! Ka mbe nk'omwesigwa Paulo . . . Ku yaarabire omu kyanga kya ruguru ekya Efeso, reero yaashanga abakuratsi nibagambira ahaiguru, nibateera akaari, kandi bari omu bwire bw'okushemererwa munonga.Yaababuza ati, "Mbwenu mukaheebwa Omwoyo Orikwera kwiha obu mwaikiriza?" Tibarikumanya yaaba ariho. Yaababuza ati, "Mbwenu mukabatizibwa omu kubatizibwa ki?" Kandi bakaba babatiziibwe na nabi ogwo orikwera, ow'ekitiinisa, kwonka bakaba babatiziibwe okubatizibwa okw'okweteisa kusha. Reero bakagaruka baabatizibwa, omu Iziina rya Yesu Kristo. Kandi Paulo yaabaragiira kubatizibwa, omurundi ogundi.

138 Mukama, omu Mushana gw'Ekigambo Kyawe! Nindagiira buri muntu, otabatiziibwe omu Iziina rya Mukama Yesu Kristo, kurahuka kuza aha maizi, jubajuba, okiine omugisha. Imwe abatajuziibwe n'Omwoyo Orikwera; nimbaragiira, omu Iziina rya Mukama Yesu Kristo, mutsimbe amaju gaanyu. Kandi mutaimuka okuhitsya obu Omwoyo Orikwera araabeereze kimwe kandi akabaijuza na rukundo Ye n'oburungi; okuhitsya obu omutima gwawe guraigutire kimwe omu Kubaho kwa Ruhanga, kugira ngu okwetenga kwawe kwona kube Okumuheereza kandi okagyendaga Nawe, kandi okakora Nawe, ebiro byona eby'amagara gaawe. Kituhe. Ninshaba ngu Ruhanga naija kukuha okwehanangiriza oku, omu Iziina rya Yesu Kristo.

Nimukunda, Nimukunda

Ahabw'okuba Akabanza kunkunda

Buzima kwo Nimumukunda? Hati mwereeze emikono yaanyu.

Kandi Yaagura okujunwa kwangye

Aha musharaba Gologosa.

139 Ku haraabe hariho weena oshutami, barikwehuriramu ebyetengo byabo ekiro eki, barikwehuriramu ngu nibeetenga kubatizibwa, nari nibeetenga okubatizibwa kw'Omwoyo Orikwera. Nimumanya ekyetengo kyanyu; kibashuuruuriirwe, kandi nimwenda ngu mwijukwe omu kushaba. Tihariho n'omwe omuriitwe owaakubaasa Kukibaha. Oo, nitubaasa kubabatiza. Kwonka, ekintu kyonka, titubaasa kubaha Omwoyo Orikwera. Ruhanga akora ekyo, wenka. Kwonka mwaayehuriiremu ekyetengo kyanyu ngu Ruhanga naagamba n'emitima yaanyu ngu nimukyetaaga, kandi nimwenda ngu tubajukye omu kushaba. Nimubaasa kwemerera, kugira ngu tubaase kubamanya, tumaney abu muri? Ruhanga abahe omugisha. Ekyetengo? Mukama abahe omugisha.

Ninteebereza hariho igana na makumi ataano, obundi, abeemereire hanu. Obundi ninka batyo, ku naakubaasa kureeba boona. Tindikumanya abari omu bishengye, kandi n'okwetooroora aheeru, bateire emikono yaabo ahaiguru, n'ebindi nk'ebyo. Kwonka mwine ekyetengo.

Hati ka tushabe.

140 Hati, imwe abarikureeba abantu abo ababeemereire aha rubaju. Kandi beemereire nk'abajurizi, omumaisho ga Kristo bati, "Ni-ni-ninkwetenga, Mukama. Ninkwetenga Mukama. Ni-niinyesiga ku ndi-ndi omwe ahari abo abarikuza kureeba eiziina ryangye ekiro eki enyima y'ako Kamanyiso seeri okwo, eryateirweyo Okwo okuruga aha musingye gw'ensi. Haine ekyateera omutima gwangye, mbwenu nyemereire, Mukama. Niinye? Oriyo noonyeta? Niinyenda Onshuururire, eiziina ryangye, Okwo. Nyijuza, kandi onkomere Omuriwi n'akamanyiso, n'Omwoyo Orikwera." Imwe abaaherize kukomerwamu n'akamanyiso, niinyenda mwimukye. Mubahindukire, reero mubateho engaro zaanyu, okubashabira. [Ow'eishe-emwe Branham yaahunamaho kakye.] Hati muhamize kimwe. [Abateeraine boona baatandika kushaba.-Omur.]

141 Tataitwe ow'omu Iguru, omu Iziina rya Mukama Yesu, k'Omwoyo Orikwera ow'amaani agyendagyende omu bantu aba, nk'omuyaga ogurikuhoorera n'amaani, reero ahikye ahari buri mutima hanu, Mukama. Reero oyohereze ahansi okubatizibwa kw'Omwoyo Orikwera, aha bantu aba. Kandi hariho amaizi agategyereize. "Petero ku yaabaire naakigamba ebigambo ebi, Omwoyo Orikwera yaashuumma ahari abo abaabaire nibahurira Ekigambo, kandi boona bajura Omwoyo Orikwera." [Abateeraine boona baagumizamu nibashaba -Omur.]



[www.messagehub.info](http://www.messagehub.info)

Obutumwa obu bukabuuriwa  
**William Marrion Branham**  
 "... omu biro by'eiraka ..." Kush 10:7